

四庫全書

子部

欽定四庫全書

子部

老學庵筆記卷六

七六

詳校官中書

臣徐志晉

員外郎臣牛稔文覆勘

總校官進士

臣楊懋珩

校對官庶吉士

臣毛鳳儀

謄錄舉人

臣朱錫彤

欽定四庫全書

老學庵筆記卷六

宋 陸游 撰

太宗朝胡秘監周甫貶坊州團練副使擅離徙所至郡
州謁宋太素尚書被劾特置不問元祐中陳正字無
已為徐州教官亦擅離任至南京別東坡先生諫官
彈之亦不加罪祖宗優待文士如此

今上初登極周丞相草儀注稱新皇帝蓋創為文也

歐陽公記開寶錢文曰宋通予按周顯德錢文曰周通故國
初因之亦曰宋通建隆乾德中皆然不獨開寶也至太平
興國以後乃以年號為錢文至今皆然歐公又謂寶元錢文曰
皇宋按實錄所載亦同然今錢中又有云聖宋者大小錢皆
有之大錢折二始於熙寧則此名乃或出於熙寧以後矣

周世宗時李景奉正朔上表自稱唐國主而周稱之曰
江南國主國書之制曰皇帝致書恭問江南國主又
以君字易卿字至藝祖於李煜則遂賜詔如藩方矣

仁宗時冊命趙元昊為夏國主蓋用江南故事然亦
賜詔凡言及卿字處即闕之亦或以國主代卿字當
時必有定制然不盡見於國史也

歐陽文忠公立論易繫辭當為大傳蓋古人已有此名
不始於公也有點僧遂投其好偽作韓退之與僧大
顛書引繫辭謂之易大傳以示文忠公公以合其論
遂為之跋曰此宜為退之之言予嘗得此書石刻語
甚鄙不足信也

今僧寺輒作庫質錢取利謂之長生庫至為鄙惡予按
梁甄彬嘗以束苧就長沙寺庫質錢後贖苧還於苧
束中得金五兩送還之則此事亦已久矣庸僧所為
古今一揆可設法嚴絕之也

先君入蜀時至華之鄭縣過西溪唐昭宗避兵嘗幸之
其地在官道旁七八十步澄深可愛亭曰西溪蓋杜
工部詩所謂鄭縣亭子澗之濱者亭旁古松間支徑
入小寺外弗見也有桺木版揭梁間甚大書杜詩筆

亦雄勁體雜顏柳不知何人書墨挺然出版上甚異
或云墨著桺木皆如此

宗正卿少卿祖宗因唐故事必以國姓為之然不必宗
室也元豐中始兼用庶姓而知太宗正事設官乃於
濮安懿王始權任甚重頗鐫損云

京師溝渠極深廣亡命多匿其中自名為無憂洞甚者
盜匿婦人又謂之鬼樊樓國初至兵興常有之雖才
尹不能絕也

祥符東封命王欽若趙安仁並判兗州二公皆見任執政也慶厯初西鄙未定命夏竦判永興陳執中范雍知永興一州二守一府三守不知當時如何分職事既非長貳文移書判之類必有程式官屬胥吏何所稟承國史皆不載莫可考也然當時諫官御史不以為非諸公受之亦不力辭豈在其時亦為便於事耶宣和中復幽州以為燕山府蔡靖知府郭藥師同知既增同字則為長貳與慶厯之制不同

晁以道讀魏書以為魏收獨無刑禍既以壽終又贈司空尚書左僕射謚文貞以此攻韓退之避修史之說然收死後竟以史筆多憾於人齊亡之歲冢被發棄骨於外得禍亦不輕矣

王荊公父名益故其所著字說無益字蘇東坡祖名序故為人作序皆用叙字又以為未安遂改作引而謂字序曰字說張芸叟父名蓋故表中云此乃伏遇皇帝陛下今人或效之非也

古謂帶一為一腰猶今謂衣為一領周武帝賜李賢御所服十三環金帶一腰是也近世乃謂帶為一條語頗鄙不若從古為一腰也

黃巢之入長安僖宗出幸豆盧瑑崔沆劉鄩于琮裴諗趙濛李溥李湯皆守節至死不變鄭綰鄭係義不臣賊舉家自縊而死以靖康京師之變言之唐猶為有人也

晉語兒人二字通用世說載桓溫行經王大將軍墓望

之曰可兒可兒蓋謂可人為可兒也故晉書及孫綽
與庾亮牋皆以為可人又陶淵明不欲束帶見鄉里
小兒亦是以小人為小兒耳故宋書云鄉里小人也
晉人所謂不意永嘉之末復聞正始之音永嘉正始乃
魏晉年名胡武平上呂丞相啓云手提天鐸鏘正始
之遺音夢授神椽擯奪朱之亂色蓋不悟正始為年
名也

俗說唐五代間事每及功臣多云賜無畏其言甚鄙淺

予兒時聞之每以為笑及觀韓偓金鑾密記云面處
分自此賜無畏兼賜金三十兩又云已曾賜無畏卿
宜凡事皆盡言直是鄙俚之言亦無畏以此觀之無
畏者許之無所畏憚也然君臣之間乃許之無所畏
憚是何義理必起於唐末耳

國初舉人對策皆先寫策題然策題不過一二十句其
後策題寢多而寫題如初舉人甚以為苦慶厯初賈
文元公為中丞始奏罷之

故事臺官無侍經筵者賈文元公為中丞仁祖以其精於經術特召侍講邇英自此遂為故事秦會之當國時諫官御史必兼經筵而其子熺亦在焉意欲搏擊者輒令熺於經筵侍對時諭之經筵退彈文即上

予與尹少稷同作密院編修官時陳魯公史魏公為左右相一日過堂見魯公語少款少稷忽曰穡便難活相公面上人又云穡是右相薦右相面上人又云穡是相公鄉人處處為人關防魯公笑答云康伯往年

使北有李愈少卿者來迓客自言漢兒也云女真契丹奚皆同朝只漢兒不好北人指曰漢兒南人却指作番人愈之言無乃與君類耶一座皆笑

吳處厚字伯固既上書告蔡新州詩事自謂且顯擢時已為漢陽守比秩滿僅移衛州予少時嘗見其謝表曰今李常已移成都則餘人次第復用臣有兩子一壻俱是選人到處撞見冤讐何人更肯提挈處厚本能文而表辭鄙淺如此者意謂太母見之易曉耳

王黼在翰苑嘗病疫危甚國醫皆束手二妾曰豔娥素娥侍疾坐於足素娥泣曰若內翰不諱我輩豈忍獨生惟當俱死耳豔娥亦泣徐曰人生死有命固無可奈何姊宜自寬黼雖昏卧實具聞之既愈素娥專房燕封至淑人豔娥遂辭去及黼誅素娥者驚悸不三曰亦死曩日俱死之言遂驗

蜀老言紹興初漕粟嘉陵以餉邊每一斛至軍中計其費為七十五斛席大光胡承公為帥始議轉船摺運

於是費十減六七向非二公蜀已大困矣故至今蜀人謂承公為湖州鏡

王性之記問該洽尤長於國朝故事莫不能記對客指畫誦說動數百千言退而質之無一語繆予自少至老惟見一人方大駕南渡典章一切掃蕩無遺甚至祖宗謚號亦皆忘失祠祭但稱廟號而已又因討論御名禮部申省言未尋得廣韻方是時性之近在二百里內非獨博記可詢其藏書數百篋無所不備盡

護致剡山當路藐然不問也

王伯照長於禮樂歷代及國朝議禮之書悉能成誦亦可謂一時之傑紹興末為太常少卿遷禮部侍郎猶兼少卿事可謂得人俄坐臺評去近時不惜人才至此

都下買婢謂未嘗入人家者為一生人喜其多淳謹也予在蜀中與何楷之同閱報狀見新進驟用者楷之曰渠是一生人宜其速進予怪而詰之楷之曰曾為

朝士者既為人所忌嫉又多謗故惟新進者常無患
蓋有激也

杜詩夜闌更秉燭意謂夜已深矣宜睡而復秉燭以見
久客喜歸之意僧德洪妄云更當平聲讀烏有是哉
謝景魚家有陳無己手簡一編有十餘帖皆與酒務官
託買浮炭其貧可知浮炭者謂投之水中而浮今人
謂之桴炭恐亦以投之水中則浮故也白樂天詩云
日暮半爐桴炭火則其語亦已久矣

四方之音有訛者則一韻盡訛如閩人訛高字則謂高
為歌謂勞為羅秦人訛青字則謂青為萋謂經為稽
蜀人訛登字則一韻皆合口吳人訛魚字則一韻皆
開口他倣此中原惟洛陽得天地之中語音最正然
謂絃為玄謂玄為絃謂犬為遣謂遣為犬之類亦自
不少

予遊邛州天慶觀有希夷詩石刻云因攀奉縣尹尚書
水南小酌回捨轡特叩松扃謁高公茶話移時偶書

二十八字道門弟子圖南上其詩云我謂浮榮真是
幻醉來捨轡謁高公因聆玄論冥冥理轉覺塵寰一
夢中末書太歲丁酉蓋蜀孟昶時當石晉天福中也
天慶本唐天師觀詩後有文與可跋大畧云高公者
此觀都威儀何昌一也希夷從之學鎖鼻術予是日
迫赴太守宇文哀臣約飯不能盡記後卒不暇再到
至今以為恨

予遊大邑鶴鳴觀所謂張天師鵠鳴化也其東北絕頂

又有上清宮壁間有文與可題一絕曰天氣陰陰別
作寒夕陽林下動歸鞍忽聞人報後山雪更上上清
宮上看

京口子城西南月觀在城上或云即萬歲樓京口人以
為南唐時節度使每登此樓西望金陵嵩呼遙拜其
實非也京口記云晉王恭所作唐孟浩然有萬歲樓
詩見集中

水流天地外山色有無中王維詩也權德輿晚渡揚子

江詩云遠岫有無中片帆烟水上已是用維語歐陽
公長短句云平山闌檻倚晴空山色有無中詩人至
是蓋三用矣然公但以此句施於平山堂為宜初不
自謂工也東坡先生乃云記取醉翁語山色有無中
則似謂歐陽公創為此句何哉

世言荆公四家詩後李白以其十首九首說酒及婦人
恐非荆公之言白詩樂府外及婦人者實少言酒固
多比之陶淵明輩亦未為過此乃讀白詩不熟者妄

立此論耳四家詩未必有次序使誠不喜白當自有
故蓋白識度甚淺觀其詩中如中宵出飲三百杯明
朝歸揖二千石榆揚九重萬乘主謔浪赤墀金鎖賢
王公大人借顏色金章紫綬來相趨一別蹉跎朝市
間青雲之交不可攀歸來入咸陽談笑皆王公高冠
佩雄劍長揖韓荊州之類淺陋有索客之風集中此
等語至多世但以其詞豪俊動人故不深考耳又如
以布衣得一翰林供奉此何足道遂云當時笑我微

賤者却來請謁為交歡宜其終身坎壈也

杜牧之作還俗僧詩云雲髮不長寸秋寒力更微獨尋
一徑葉猶挈衲殘衣日暮千峰裏不知何處歸此詩
蓋會昌寺廢佛時所作也又有所竹詩亦同時作云
寺廢竹色死官家寧爾留霜根漸隨斧風玉尚敲秋
江南苦吟客何處寄悠悠詞意悽愴蓋憐之也至李
端叔還俗道士詩云聞道華陽客儒衣謁紫微舊山
連藥竇孤鶴帶雲歸柳市名猶在桃源夢已稀還家

見鷗鳥應愧背船飛在道士還俗非不得已者故直
譏之耳

聞人茂德言沙糖中國本無之唐太宗時外國貢至問
其使人此何物云以甘蔗汁煎用其法煎成與外國
者等自此中國方有沙糖唐以前書傳凡言及糖者
皆糟耳如糖蟹糖薑皆是

漢嘉城西北山麓有一石洞泉出其間時聞洞中泉滴
聲良久一滴清如金石黃魯直題詩云古人題作東

丁水自古東丁直到今我為改名方響洞要知山水有清音

成都藥市以玉局化為最盛用九月九日楊文公談苑云七月七日誤也

馬鞭擊猫筇竹杖擊狗皆節節斷折物理之不可推者也

亳州出輕紗舉之若無裁以為衣真若烟霧一州惟兩家能織相與世世為婚姻懼他人家得其法也云自

唐以來名家今三百餘年矣

禁中有哲宗皇帝宸翰四大字曰罰弗及嗣更無他語
此必紹聖元符間有欲害元祐黨人子孫者故帝書
此言祖宗盛德如此故老言大臣嘗從容請幸金明
池哲廟曰祖宗幸西池必宴射朕不能射不敢出又
木工楊琪作龍舟極奇麗或請一登之哲廟又曰祖
宗未嘗登龍舟但臨水殿畧觀足矣後勉一幸金明
所謂龍舟非獨不登亦終不觀也

唐人本謂御史在長安者為西臺言其雄劇以別分司
東都事見劇談錄本朝都汴謂洛陽為西京亦置御
史臺至為散地以其在西京亦號西臺名同而實異
也

唐人本以尚書省在大明宮之南故謂之南省自建炎
軍興蜀士以險遠許就制置司類試與省試同間有
願赴行在省試者亦聽之蜀士因謂之赴南省以大
駕在東南也尤非是

北戶錄云廣人於山間掘取大蟻卵為醬名蟻子醬按此即禮所謂蚺醢也三代以前固以為食矣然則漢人以鼃祭宗廟何足怪哉

祖宗以來至靖康間文武臣僚罷官或服闋或被罪叙復到闕皆有期限如有故須自陳給假至建炎初以軍興道梗始有三年之限後有特許從便赴闕猶降旨云候邊事寧息日依舊然遂不復舉行矣

今人書某為么皆以為俗從簡便其實古某字也穀梁

桓二年蔡侯鄭伯會於鄧范甯注曰鄧公地陸德明
釋文曰不知其國故云公地本又作某

江鄰幾嘉祐雜志言唐告身初用紙肅宗朝有用絹者
貞元後始用綾予在成都見周世宗除劉仁贍侍中
告乃用紙在金彥亨尚書之子處

嘉祐雜志云峨眉雪蛆治內熱予至蜀乃知此物實出
茂州雪山雪山四時常有積雪彌遍嶺谷蛆生其中
取雪時并蛆取之能蠕動久之雪消蛆亦消盡

會稽鏡湖之東地名東關有天花寺呂文靖嘗題詩云
賀家湖上天花寺一一軒牕向水開不用閉門防俗
客愛閒能有幾人來今寺乃在草市通衢中三面皆
民間廬舍前臨一支港與詩殊不合豈陵谷之變遽
已如此乎或謂寺本在湖中後徙於此

蘇叔黨政和中至東都見妓稱錄事太息語廉宣仲曰
今世一切變古唐以來舊語盡廢此猶存唐舊為可
喜前輩謂妓曰酒糾蓋謂錄事也相藍之東有錄事

巷傳以為朱梁時名妓崔小紅所居

張真甫舍人廣漢人為成都帥蓋本朝得蜀以來所未有也未至前旬日大風雷龍起劍南西川門揭牌擲數十步外壞南字爪迹宛然人皆異之真甫名震或為之說曰元豐末貢院火而焦蹈為首魁當時語曰火焚貢院狀元焦無能對者今當以雷起譙門知府震為對然歲餘真甫以疾不起方未病時府治堂柱生白芝三詔者謂之玉芝予按酉陽雜俎白為喪

真甫當之

自元豐官制尚書省復二十四曹繁簡絕異在京師時
有語曰吏勲封考筆頭不倒戶度金倉日夜窮忙禮
祠主膳不識判硯兵職駕庫典了襴袴刑都比門總
是冤魂工屯虞水白日見鬼及大駕幸臨安喪亂之
後士大夫亡失告身批書者多又軍賞百倍平時賂
賄公行冒濫相乘饟軍日滋賦歛愈繁而刑獄亦衆
故吏戶刑三曹吏胥人人富饒他曹寂寞彌甚吏輩

又為之語曰吏勲封考三婆兩嬖戶度金倉細酒肥
羊禮祠主膳淡喫糞麪兵職駕庫齧薑呷醋刑都比
門人肉餽飽工屯虞水身生餓鬼

高宗行幸揚州郡人李易為狀元次舉駐蹕臨安而狀
元張九成亦貫臨安時以為王氣所在方李易唱第
時上顧問此人合衆論否時相對曰易乃揚州州學
學正必合衆論人笑其敷奏之陋

唐以來皇子不兼師傅官以子不可為父師也其後失

於檢點乃有兼者治平中賈黯草東陽郡王顯檢校太傅制建明其失自後皇子及宗室卑行合兼三師者悉改為三公政和中省太尉司徒司空之官而置少師少傅少保皇子乃復兼師傅自嘉王楷始

今參知政事恩數比門下中書侍郎在尚書左右丞之上其議出於李漢老漢老時為右丞蓋暗省轉廳可徑登揆路也呂丞相元直覺此意排去之然自此遂為定制

蔚藍乃隱語天名非可以義理解也杜子美梓州金華山詩云上有蔚藍天垂光抱瓊臺猶未有害韓子蒼乃云水色天光共蔚藍乃直謂天與水之色俱如藍耳恐又因杜詩而失之

胡子遠之父唐安人家饒財常委僕權錢得錢引五千緡皆偽也家人欲訟之胡曰幹僕已死豈忍使其孤對獄耶或謂減其半價予人尚可得二千餘緡胡不可曰終當誤人乃取而火之泰然不少動心其家暴

貴宜哉

杜子美梅雨詩云南京犀浦道四月熟黃梅湛湛長江
去冥冥細雨來茅茨疎易濕雲霧密難開竟日蛟龍
喜盤渦與岸回蓋成都所賦也今成都乃未嘗有梅
雨惟秋半積陰氣令蒸溽與吳中梅雨時相類耳豈
古今地氣有不同耶

老學庵筆記卷六

欽定四庫全書

老學庵筆記卷七

宋 陸游 撰

熙寧癸丑華山阜頭峯崩峯下一嶺一谷居民甚衆皆晏然
不聞乃越四十里外平川土石雜下如簸揚七社民家
壓死者幾萬人壞田七八千頃固可異矣紹興間嚴州
大水壽昌縣有一小山高八九丈隨水漂至五里外而
兩傍草木廬舍比水退皆不壞則此山殆空行而過也

韓魏公家不食蔬以脯醢當蔬盤度亦始於近時耳

曾子宣丞相家男女手指皆少指端一節外甥亦然或云襄陽魏道輔家世指少一節道輔之姊嫁子宣故子孫肖其外氏

故都殘暑不過七月中旬俗以望日具素饌享先織竹作盆盎狀貯紙錢承以一竹焚之視盆倒所向以占氣候謂向北則冬寒向南則冬溫向東西則寒溫得中謂之盂蘭盆蓋俚俗老嫗輩之言也又每云盂蘭

盆倒則寒來矣晏元獻詩云紅白薇英落朱黃槿豔
殘家人愁溽暑計日望孟蘭蓋亦戲述俗語耳

歐陽公謫夷陵時詩云江上孤峯蔽綠蘿縣樓終日對
嵯峨蓋夷陵縣治下臨峽江名綠蘿溪自此上泝即
上牢下牢關皆山水清絕處孤峯者即甘泉寺山有
孝女泉及祠在萬竹間亦幽邃可喜峽人歲時遊觀
頗盛予入蜀往來皆過之韓子蒼舍人泰興縣道中
詩云縣郭連青竹人家蔽綠蘿似因歐公之句而失

之此詩蓋子蒼少作故不審云

秦會之跋後山集謂曾南豐修英宗實錄辟陳無己為
屬孫仲益書數百字詆之以為無此事南豐雖嘗預
修英宗實錄未久即去且南豐自為吏屬烏有辟官
之理又無已元祐中方自布衣命官故仲益之辯人
多是之然以予考其實則二公俱失也南豐元豐中
還朝被命獨修五朝史實許辟其屬遂請秀州崇德
縣令邢恕為之用選人已非故事特從其請而南豐

又援經義局辟布衣徐禧例乞無已檢討廟堂尤難
之會南豐上太祖紀叙論不合上意修五朝史之意
寢緩未幾南豐以憂去遂已會之但誤以五朝史為
英宗實錄耳至其言辟無已事則實有之不可謂無
也

前代夜五更至黎明而終本朝外廷及外郡悉用此制
惟禁中未明前十刻更終謂之待旦蓋更終則上御
盥櫛以俟明出御朝也祖宗勤於政事如此

予兒時見宋修撰煇為先君言某艱難中以轉餉至行
在時方避敵海道上大喜令除待制呂相元直雅不
相樂乃曰宋煇係直龍圖閣便除待制太超躐欲且
與修撰修撰與待制亦只爭一等候更有勞除待制
不晚遂除祕撰宋公言之太息曰此某命也頃予被
命修高宗聖政及實錄見日歷所載實有此事自昔
大臣以私意害人此其小小者耳

高廟駐蹕臨安艱難中每出猶鋪沙籍路謂之黃道以

盆倒則寒來矣晏元獻詩云紅白薇英落朱黃槿豔
殘家人愁溽暑計日望孟蘭蓋亦戲述俗語耳

歐陽公謫夷陵時詩云江上孤峯蔽綠蘿縣樓終日對
嵯峨蓋夷陵縣治下臨峽江名綠蘿溪自此上泝即
上牢下牢關皆山水清絕處孤峯者即甘泉寺山有
孝女泉及祠在萬竹間亦幽邃可喜峽人歲時遊觀
頗盛予入蜀往來皆過之韓子蒼舍人泰興縣道中
詩云縣郭連青竹人家蔽綠蘿似因歐公之句而失

之此詩蓋子蒼少作故不審云

秦會之跋後山集謂曾南豐修英宗實錄辟陳無己為
屬孫仲益書數百字詆之以為無此事南豐雖嘗預
修英宗實錄未久即去且南豐自為吏屬烏有辟官
之理又無己元祐中方自布衣命官故仲益之辯人
多是之然以予考其實則二公俱失也南豐元豐中
還朝被命獨修五朝史實許辟其屬遂請秀州崇德
縣令邢恕為之用選人已非故事特從其請而南豐

又援經義局辟布衣徐禧例乞無已檢討廟堂尤難之會南豐上太祖紀叙論不合上意修五朝史之意寢緩未幾南豐以憂去遂已會之但誤以五朝史為英宗寶錄耳至其言辟無已事則實有之不可謂無也

前代夜五更至黎明而終本朝外廷及外郡悉用此制惟禁中未明前十刻更終謂之待旦蓋更終則上御盥櫛以俟明出御朝也祖宗勤於政事如此

予兒時見宋修撰煇為先君言某艱難中以轉餉至行在時方避敵海道大喜令除待制呂相元直雅不相樂乃曰宋煇係直龍圖閣便除待制太超躐欲且與修撰修撰與待制亦只爭一等候更有勞除待制不晚遂除祕撰宋公言之太息曰此某命也頃予被命修高宗聖政及實錄見日歷所載實有此事自昔大臣以私意害人此其小小者耳

高廟駐蹕臨安艱難中每出猶鋪沙籍路謂之黃道以

三衙兵為之紹興末內禪駕過新宮猶設黃道如平時明日壽皇出即撤去遂不復用

族伯父彥遠言少時識仲殊長老東坡為作安州老人食蜜歌者一日與數客過之所食皆蜜也豆腐麪飴牛乳之類皆漬蜜食之客多不能下箸惟東坡性亦酷嗜蜜能與之共飽崇寧中忽上堂辭衆是夕閉方丈門自縊死及火化舍利五色不可勝計鄒忠公為作詩云逆行天莫測雉作瀆中經漚滅風前質蓮開

火後形鉢盂殘蜜白爐篆冷烟青空有誰家曲人間
得細聽彥遠又云殊少為士人遊蕩不羈為妻投毒
羹馘中幾死啖蜜而解醫言復食肉則毒發不可復
療遂棄家為浮屠鄒公所謂誰家曲者謂其雅工於
樂府詞猶有不羈餘習也

晏元獻為藩郡率十許日乃一出廳僚吏旅揖而已有
欲論事率因親拔轉白拔復傳可否以出遂退呂正
獻作相及平章軍國事時於便坐接客初惟一揖即

端坐自若雖從官亦以次起白及退復起一揖未嘗
離席蓋祖宗時輔相之尊嚴如此時亦不以為非也
東坡詩云大弔一弛何緣彀已覺翻翻不受檠考工記
弓人寒奠體注曰奠讀為定至冬膠堅內之檠中定
往來體釋文檠音景前漢蘇武傳武能綱紡繳檠弓
弩顏師古曰檠謂輔正弓弩音警又巨京反東坡作
平聲叶蓋用漢書注也

豐相之於舒信道鄒志完於呂望之其為人似不類然

相與皆厚甚不以鄉里及同僚故也相之為中司時
猶力薦信道志完元符中進用則實由望之薦也及
以直諫遠竄望之坐薦非其人褫官謝表云臣之與
浩實匪素交以其嘗備學校之選於先朝能陳詩賦
之非於元祐比緣薦士遂取充員豈期螻蟻之微自
速雷霆之譴其叙陳終不以志完為非亦不易矣

宋白集有賜諸道節度觀察防團刺史知州以下賀登
極進奉詔書云朕仰承先訓繼嗣丕基眷命歷之有

三衙兵為之紹興末內禪駕過新宮猶設黃道如平時明日壽皇出即撤去遂不復用

族伯父彥遠言少時識仲殊長老東坡為作安州老人食蜜歌者一日與數客過之所食皆蜜也豆腐麪筋牛乳之類皆漬蜜食之客多不能下箸惟東坡性亦酷嗜蜜能與之共飽崇寧中忽上堂辭衆是夕閉方丈門自縊死及火化舍利五色不可勝計鄒忠公為作詩云逆行天莫測雉作瀆中經漚滅風前質蓮開

火後形鉢盂殘蜜白爐篆冷烟青空有誰家曲人間
得細聽彥遠又云殊少為士人遊蕩不羈為妻投毒
羹馘中幾死啖蜜而解醫言復食肉則毒發不可復
療遂棄家為浮屠鄒公所謂誰家曲者謂其雅工於
樂府詞猶有不羈餘習也

晏元獻為藩郡率十許日乃一出廳僚吏旅揖而已有
欲論事率因親拔轉白拔復傳可否以出遂退呂正
獻作相及平章軍國事時於便坐接客初惟一揖即

端坐自若雖從官亦以次起白及退復起一揖未嘗
離席蓋祖宗時輔相之尊嚴如此時亦不以為非也
東坡詩云大弔一弛何緣毅已覺翻翻不受檠考工記
弓人寒奠體注曰奠讀為定至冬膠堅內之檠中定
往來體釋文檠音景前漢蘇武傳武能綱紡繳檠弓
檠顏師古曰檠謂輔正弓檠音警又巨京反東坡作
平聲叶蓋用漢書注也

豐相之於舒信道鄒志完於呂望之其為人似不類然

相與皆厚甚不以鄉里及同僚故也相之為中司時
猶力薦信道志完元符中進用則實由望之薦也及
以直諫遠竄望之坐薦非其人褫官謝表云臣之與
浩實匪素交以其嘗備學校之選於先朝能陳詩賦
之非於元祐比緣薦士遂取充員豈期螻蟻之微自
速雷霆之譴其叙陳終不以志完為非亦不易矣

宋白集有賜諸道節度觀察防團刺史知州以下賀登
極進奉詔書云朕仰承先訓繼嗣丕基眷命歷之有

歸想寰區之同慶卿輟由俸祿恭備貢輸遙陳稱賀
之誠知乃盡忠之節省覽嘉歎再三在懷實真廟登
極時詔書也乃知是時貢物皆守臣以俸祿自備今
既以庫金為貢而推恩則如故可謂厚恩矣

前輩遇通家子弟初見請納拜者既受之則設席望其
家遙拜其父祖乃就坐先君尚行之

前輩置酒飲客終席不褫帶毛達可守京口時尚如此
後稍廢然猶以冠帶勸酬後又不講紹興末胡邦衡

還朝每與客飲至勸酒必冠帶再拜朝士皆笑其異
衆然邦衡名重行之自若

元豐七年秋宴神廟舉御觴示丞相王岐公以下忽暴
得風疾手弱觴側餘酒霑汙御袍是時京師方盛歌
側金盞皇城司中官以為不祥有歌者輒收繫之由
是遂絕先楚公進裕陵挽詞有云輅從元朔朝時破
花是高秋宴後萎二句皆當時實事也

天聖明道間京師盛歌一曲曰曹門高未幾慈聖太后

受冊中宮人以爲驗矣其後宣仁與慈聖皆垂箔攝
政而宣仁實慈聖之甥以故選配英廟則徵兆之意
若曰曹門之高當相繼而起也何其神哉

趙相挺之使北方盛寒在殿上北主忽顧挺之耳愕然
急呼侍者指示之蓋闔也俄持一小玉合予至合中
有藥色正黃塗挺之兩耳周匝而去其熱如火既出
殿門主客者揖賀曰大使耳若用藥遲且拆裂缺失
甚則全耳皆墮而無血扣其玉合中藥為何物乃不

肯言但云此藥市中亦有之價甚貴方七直錢數千
某輩早朝遇極寒即塗少許吏卒輩則別有藥以狐
溺調塗之亦效

遼人劉六符所謂劉燕公者建議於其國謂燕薊雲朔
本皆中國地不樂屬我非有以大收其心必不能久
遼主宗真問曰如何可收其心曰歛於民者十減其
四五則民惟恐不為北朝人矣遼主曰如國用何曰
臣願使南朝求割關南地而增戍閱兵以脅之南朝

歸想寰區之同慶卿輟由俸祿恭備貢輸遙陳稱賀
之誠知乃盡忠之節省覽嘉歎再三在懷實真廟登
極時詔書也乃知是時貢物皆守臣以俸祿自備今
既以庫金為貢而推恩則如故可謂厚恩矣

前輩遇通家子弟初見請納拜者既受之則設席望其
家遙拜其父祖乃就坐先君尚行之

前輩置酒飲客終席不褫帶毛達可守京口時尚如此
後稍廢然猶以冠帶勸酬後又不講紹興末胡邦衡

還朝每與客飲至勸酒必冠帶再拜朝士皆笑其異
衆然邦衡名重行之自若

元豐七年秋宴神廟舉御觴示丞相王岐公以下忽暴
得風疾手弱觴側餘酒霑汙御袍是時京師方盛歌
側金盞皇城司中官以為不祥有歌者輒收繫之由
是遂絕先楚公進裕陵挽詞有云輅從元朔朝時破
花是高秋宴後萎二句皆當時實事也

天聖明道間京師盛歌一曲曰曹門高未幾慈聖太后

受冊中宮人以爲驗矣其後宣仁與慈聖皆垂箔攝
政而宣仁實慈聖之甥以故選配英廟則徵兆之意
若曰曹門之高當相繼而起也何其神哉

趙相挺之使北方盛寒在殿上北主忽顧挺之耳愕然
急呼侍者指示之蓋闔也俄持一小玉合予至合中
有藥色正黃塗挺之兩耳周匝而去其熱如火既出
殿門主客者揖賀曰大使耳若用藥遲且拆裂缺落
甚則全耳皆墮而無血扣其玉合中藥為何物乃不

肯言但云此藥市中亦有之價甚貴方七直錢數千
某輩早朝遇極寒即塗少許吏卒輩則別有藥以抓
溺調塗之亦效

遼人劉六符所謂劉燕公者建議於其國謂燕薊雲朔
本皆中國地不樂屬我非有以大收其心必不能久
遼主宗真問曰如何可收其心曰歛於民者十減其
四五則民惟恐不為北朝人矣遼主曰如國用何曰
臣願使南朝求割關南地而增戍閱兵以脅之南朝

重於割地必求增歲幣我託不得已受之俟得幣則
以其數對減民賦可也宗真大以為然卒用其策得
增幣而他大臣背約纔以幣之十二減賦民固已喜
及洪基嗣立六符為相復請用元議洪基亦仁厚遂
盡用銀絹二十萬之數減燕雲租賦故其後遼政雖
亂而人心不離豈可謂遼無人哉

仁宗皇帝慶曆中嘗賜遼使劉六符飛白書八字曰南
北兩朝永通和好會六符知貢舉乃以兩朝永通和

好為賦題而以南北兩朝永通和好為韻云出南朝
皇帝御飛白書六符蓋為遼畫策增歲賂者然其尊
戴中國尚如此則盟好中絕誠可惜也

王荊公素不樂滕元發鄭毅夫目為滕屠鄭酤然二公
素豪邁殊不病其言毅夫為內相一日送客出郊過
朱亥冢俗謂之屠兒原者作詩云高論唐虞儒者事
賣交負國豈勝言憑君莫笑金槌陋却是屠酤解報
恩

予幼時侍先君避亂東陽山中有北僧年五十餘戇朴無能自言沈相義倫裔孫携遺像及告身詔勅甚備且云義倫之後惟已獨存欲訴於朝求一官還俗不知竟何往也

詩正義曰絡緯鳴嬾婦驚宋子京秋夜詩云西風已飄上林葉北斗直掛建章城人間底事最堪恨絡緯啼時無婦驚其妙於用事如此

孫少述一字正之與王荊公交最厚故荊公別少述詩

云應須一曲千回首西去論心有幾人又云子今此
去來何時後有不可誰予規其相與如此及荆公當
國數年不復相聞人謂二公之交遂睽故東坡詩云
蔣濟謂能來阮籍薛宣真欲吏朱雲劉舍人貢父詩
云不負興公遂初賦更傳中散絕交書然少述初不
以為意也及荆公再罷相歸過高沙少述適在焉亟
往造之少述出見惟相勞苦及弔元澤之喪兩公皆
自忘其窮達遂留荆公置酒共飯劇談經學抵暮乃

重於割地必求增歲幣我託不得已受之俟得幣則
以其數對減民賦可也宗真大以為然卒用其策得
增幣而他大臣背約纔以幣之十二減賦民固已喜
及洪基嗣立六符為相復請用元議洪基亦仁厚遂
盡用銀絹二十萬之數減燕雲租賦故其後遼政雖
亂而人心不離豈可謂遼無人哉

仁宗皇帝慶曆中嘗賜遼使劉六符飛白書八字曰南
北兩朝永通和好會六符知貢舉乃以兩朝永通和

好為賦題而以南北兩朝永通和好為韻云出南朝
皇帝御飛白書六符蓋為遼畫策增歲賂者然其尊
戴中國尚如此則盟好中絕誠可惜也

王荊公素不樂滕元發鄭毅夫目為滕屠鄭酤然二公
素豪邁殊不病其言毅夫為內相一日送客出郊過
朱亥冢俗謂之屠兒原者作詩云高論唐虞儒者事
賣交負國豈勝言憑君莫笑金槌陋却是屠酤解報
恩

予幼時侍先君避亂東陽山中有北僧年五十餘顰朴
無能自言沈相義倫裔孫携遺像及告身詔勅甚備
且云義倫之後惟已獨存欲訴於朝求一官還俗不
知竟何往也

詩正義曰絡緯鳴嬾婦驚宋子京秋夜詩云西風已飄
上林葉北斗直掛建章城人間底事最堪恨絡緯啼
時無婦驚其妙於用事如此

孫少述一字正之與王荆公交最厚故荆公別少述詩

云應須一曲千回首西去論心有幾人又云子今此
去來何時後有不可誰予規其相與如此及荆公當
國數年不復相聞人謂二公之交遂睽故東坡詩云
蔣濟謂能來阮籍薛宣真欲吏朱雲劉舍人貢父詩
云不負興公遂初賦更傳中散絕交書然少述初不
以為意也及荆公再罷相歸過高沙少述適在焉亟
往造之少述出見惟相勞苦及弔元澤之喪兩公皆
自忘其窮達遂留荆公置酒共飯劇談經學抵暮乃

散荆公曰退即解舟無由再見少述曰如此更不去
奉謝矣然惻惻各有惜別之色人然後知兩公之未
易測也

杭僧思聰東坡為作字說者大觀政和間挾琴遊梁曰
登中貴人之門久之遂還俗為御前使臣方其將冠
巾也蘇叔黨因浙僧入都送之詩曰試誦北山移為
我招琴聰詩至已無及矣參寥政和中老矣亦還俗
而死然不知其故

陶淵明遊斜川詩自叙辛丑歲年五十蘇叔黨宣和辛丑亦年五十蓋與淵明同甲子也是歲得園於許昌西湖上故名之曰小斜川云

夏文莊初謚文正劉原父持以為不可至曰天下謂竦邪而陛下謚之正遂改今謚宋子京作祭文乃曰惟公溫厚粹深天與其正蓋謂夏公之正天與之而人不與當時自有此一種議論故張文定甚惡石徂徠詆之甚力目為狂生東坡議學校貢舉狀云使孫復

石介尚在則迂闊矯誕之士也可施之於政事之間
乎其言亦有自來歐公作王洙源叔參政墓誌曰夏
竦卒天子以東宮恩賜謚文獻洙為知制誥封還曰
此僖祖謚也於是太常更謚文莊與他書異

壹貳叁肆伍陸柒捌玖拾字書皆有之參正是三字或
讀作七南反耳柒字晉唐人書或作漆亦取其同音
也

三舍法行時有教官出易義題云乾為金坤又為金何

也諸生乃懷監本易至簾前請云題有疑請問教官
作色曰經義豈當上請諸生曰若公試固不敢今乃
私試恐無害教官乃為講解大槩諸生徐出監本復
請曰先生恐是看了麻沙本若監本則坤為釜也教
授皇恐乃謝曰某當罰即輸罰改題而止然其後亦
至通顯

老杜哀江頭云黃昏胡騎塵滿城欲往城南忘城北言
方皇惑避死之際欲往城南乃不能記孰為南北也

散荊公曰退即解舟無由再見少述曰如此更不去
奉謝矣然惘惘各有惜別之色人然後知兩公之未
易測也

杭僧思聰東坡為作字說者大觀政和間挾琴遊梁日
登中貴人之門久之遂還俗為御前使臣方其將冠
巾也蘇叔黨因浙僧入都送之詩曰試誦北山移為
我招琴聰詩至已無及矣參寥政和中老矣亦還俗
而死然不知其故

陶淵明遊斜川詩自叙辛丑歲年五十蘇叔黨宣和辛丑亦年五十蓋與淵明同甲子也是歲得園於許昌西湖上故名之曰小斜川云

夏文莊初謚文正劉原父持以為不可至曰天下謂竦邪而陛下謚之正遂改今謚宋子京作祭文乃曰惟公溫厚粹深天與其正蓋謂夏公之正天與之而人不與當時自有此一種議論故張文定甚惡石徂徠詆之甚力目為狂生東坡議學校貢舉狀云使孫復

石介尚在則迂闊矯誕之士也可施之於政事之間
乎其言亦有自來歐公作王洙源叔參政墓誌曰夏
竦卒天子以東宮恩賜謚文獻洙為知制誥封還曰
此僖祖謚也於是太常更謚文莊與他書異

壹貳叁肆伍陸柒捌玖拾字書皆有之參正是三字或
讀作七南反耳柒字晉唐人書或作漆亦取其同音
也

三舍法行時有教官出易義題云乾為金坤又為金何

也諸生乃懷監本易至簾前請云題有疑請問教官
作色曰經義豈當上請諸生曰若公試固不敢今乃
私試恐無害教官乃為講解大槩諸生徐出監本復
請曰先生恐是看了麻沙本若監本則坤為釜也教
授皇恐乃謝曰某當罰即輸罰改題而止然其後亦
至通顯

老杜哀江頭云黃昏胡騎塵滿城欲往城南忘城北言
方皇惑避死之際欲往城南乃不能記孰為南北也

然荆公集句兩篇皆作欲往城南望城北或以為舛
誤或以為改定皆非也蓋所傳本偶不同而意則一
也北人謂向曰望謂欲往城南乃向城北亦皇惑避
死不能記南北之意

先夫人幼多在外家晁氏言諸晁讀杜詩穉子也能賒
晚來幽獨恐傷神也字恐字皆作去聲讀

蜀人石耆公言蘇黃門嘗語其姪孫在庭少卿曰哀江
頭即長恨歌也長恨冗而凡哀江頭簡而高在庭曰

常武與桓二詩皆言用兵而繁簡不同蓋此意乎黃
門搖手曰不然

姓但者音若檀近歲有嶺南監司曰但中庸是也一日
朝士同觀報狀見嶺南郡守以不法被劾朝旨令但
中庸根勘有一人輒歎曰此郡守必是權貴所主問
何以知之曰若是孤寒必須痛治此乃令但中庸根
勘即是有力可知同坐者無不掩口其人悻然作色
曰拙直宜為諸公所笑竟不悟而去

今人解杜詩但尋出處不知少陵之意初不如是且如
岳陽樓詩昔聞洞庭水今上岳陽樓吳楚東南坼乾
坤日夜浮親朋無一字老病有孤舟戎馬關山北憑
軒涕泗流此豈可以出處求哉縱使字字尋得出處
去少陵之意益遠矣蓋後人元不知杜詩所以妙絕
古今者在何處但以一字亦有出處為工如西崑酬
倡集中詩何曾有一字無出處者便以為追配少陵
可乎且今人作詩亦未嘗無出處渠自不知若為之

箋注亦字字有出處但不妨其為惡詩耳

壽皇時禁中供御酒名薔薇露賜大臣酒謂之流香酒
分數旋取旨蓋酒戶大小已盡察矣

韓魏公聲雌文潞公步碎相者以為二公若無此二事
皆非大臣之相

慶歷中河北道士賈衆妙善相以為曾魯公脊骨如龍
王荊公目睛如龍蓋人能得龍之一體者皆貴窮人
爵見豫章黃庠手曰左手得龍爪雖當魁天下而不

然荆公集句兩篇皆作欲往城南望城北或以為舛
誤或以為改定皆非也蓋所傳本偶不同而意則一
也北人謂向曰望謂欲往城南乃向城北亦皇惑避
死不能記南北之意

先夫人幼多在外家晁氏言諸晁讀杜詩穉子也能賒
晚來幽獨恐傷神也字恐字皆作去聲讀

蜀人石耆公言蘇黃門嘗語其姪孫在庭少卿曰哀江
頭即長恨歌也長恨冗而凡哀江頭簡而高在庭曰

常武與桓二詩皆言用兵而繁簡不同蓋此意乎黃
門搖手曰不然

姓但者音若檀近歲有嶺南監司曰但中庸是也一日
朝士同觀報狀見嶺南郡守以不法被劾朝旨令但
中庸根勘有一人輒歎曰此郡守必是權貴所主問
何以知之曰若是孤寒必須痛治此乃令但中庸根
勘即是有力可知同坐者無不掩口其人悻然作色
曰拙直宜為諸公所笑竟不悟而去

今人解杜詩但尋出處不知少陵之意初不如是且如
岳陽樓詩昔聞洞庭水今上岳陽樓吳楚東南坼乾
坤日夜浮親朋無一字老病有孤舟戎馬關山北憑
軒涕泗流此豈可以出處求哉縱使字字尋得出處
去少陵之意益遠矣蓋後人元不知杜詩所以妙絕
古今者在何處但以一字亦有出處為工如西崑酬
倡集中詩何曾有一字無出處者便以為追配少陵
可乎且今人作詩亦未嘗無出處渠自不知若為之

箋注亦字字有出處但不妨其為惡詩耳

壽皇時禁中供御酒名薔薇露賜大臣酒謂之流香酒
分數旋取旨蓋酒戶大小已盡察矣

韓魏公聲雌文潞公步碎相者以為二公若無此二事
皆非大臣之相

慶歷中河北道士賈衆妙善相以為曾魯公脊骨如龍
王荊公目睛如龍蓋人能得龍之一體者皆貴窮人
爵見豫章黃庠手曰左手得龍爪雖當魁天下而不

仕若右手得之則貴矣庠果為南省第一不及廷對而死

俞秀老紫芝物外高人喜歌謳醉則浩歌不止故荊公贈之詩曰魯山眉宇人不見只有歌辭來向東借問樓前蹋于蒺何如雲卧唱松風又云暮年要與君攜手處處相煩作好歌不知者以為賦詩也紫芝之弟清老欲為僧荊公名之曰紫琳因手簡目之為琳公然清老卒未嘗祝髮也

臨江蕭氏之祖五代時仕於湖南為將校坐事當斬與其妻亡命焉王捕之甚急將出境會夜阻水不能去匿於人家雷槽中湘湖間謂雷為窳天將旦有扣窳語之曰君夫婦速去捕者且至矣因亟去遂得脫卒不知告者何人以為神物乃世世奉祀謂之窳頭神今參政照鄰乃其後也

晁以道明皇打毬圖詩宮殿千門白晝開三郎沈醉打毬回九齡已老韓休死明日應無諫疏來又張果洞

詩云怪底君王慙漢武不誅方士守輪臺皆偉論也
歐陽公早朝詩云玉勒爭門隨仗入牙牌當殿報班齊
李德芻言自昔朝儀未嘗有牙牌報班齊之事予考
之實如德芻之說問熟於朝儀者亦惘然以為無有
然歐陽公必不誤當更博考舊制也

王荊公所賜玉帶闊十四招號玉抱肚真廟朝趙德明
所貢至紹興中王氏猶藏之曾孫奉議郎璫始復進
入禁中

舅氏唐居正意文學氣節為一時師表建炎初避兵武
當山中病歿遺文散落無復存者獨滁州漢高帝廟
碑陰尚存今錄於此滁之西曰豐山有漢高帝廟或
云漢諸將追項羽道經此山至今土俗以五月十七
日為高帝生日遠近畢集薦殽觴焉某嘗從太守侍
郎曾禱雨於廟因讀庭中刻石始知昔人相傳蓋以
五月十七為高帝忌日按漢書高帝十三年四月甲
辰崩於長樂宮五月丙寅葬長陵

注自崩至葬
凡二十三日疑五

仕若右手得之則貴矣庠果為南省第一不及廷對而死

俞秀老紫芝物外高人喜歌謳醉則浩歌不止故荊公贈之詩曰魯山眉宇人不見只有歌辭來向東借問樓前蹋于蒺何如雲卧唱松風又云暮年要與君攜手處處相煩作好歌不知者以為賦詩也紫芝之弟清老欲為僧荊公名之曰紫琳因手簡目之為琳公然清老卒未嘗祝髮也

臨江蕭氏之祖五代時仕於湖南為將校坐事當斬與其妻亡命焉王捕之甚急將出境會夜阻水不能去匿於人家雷槽中湘湖間謂雷為窺天將旦有扣窺語之曰君夫婦速去捕者且至矣因亟去遂得脫卒不知告者何人以為神物乃世世奉祀謂之窺頭神今參政照鄰乃其後也

晁以道明皇打毬圖詩宮殿千門白晝開三郎沈醉打毬回九齡已老韓休死明日應無諫疏來又張果洞

詩云怪底君王慙漢武不誅方士守輪臺皆偉論也
歐陽公早朝詩云玉勒爭門隨仗入牙牌當殿報班齊
李德芻言自昔朝儀未嘗有牙牌報班齊之事予考
之實如德芻之說問熟於朝儀者亦惘然以為無有
然歐陽公必不誤當更博考舊制也

王荊公所賜玉帶闊十四招號玉抱肚真廟朝趙德明
所貢至紹興中王氏猶藏之曾孫奉議郎璫始復進
入禁中

舅氏唐居正意文學氣節為一時師表建炎初避兵武
當山中病歿遺文散落無復存者獨滁州漢高帝廟
碑陰尚存今錄於此滁之西曰豐山有漢高帝廟或
云漢諸將追項羽道經此山至今土俗以五月十七
日為高帝生日遠近畢集薦殷觴焉某嘗從太守侍
郎曾禱雨於廟因讀庭中刻石始知昔人相傳蓋以
五月十七為高帝忌日按漢書高帝十三年四月甲
辰崩於長樂宮五月丙寅葬長陵

注自崩至葬
凡二十三日疑五

月十七日必其葬日又非忌日也以厯推之自上元

甲子之歲至高帝十二年四月晦日

是年歲凡積一在丙午

百九十三萬六千三百六十三年二千三百九十四

萬九千五百九十一月七億七百二十四萬六千八

百十五日以法除之算外得五月朔己酉十七日乙

丑則丙寅葬日乃十八日也班固記漢初北平侯張

蒼所有顓帝厯晦朔月見弦望滿虧多非是故先帝

九年六月乙未晦日食夫日食必於朔而此食於晦

則先一日矣豈非丙寅乃當時十七日乎不然歲月久傳者失之也遂以告公命書其碑陰紹聖二年五月旦記


劍門關皆石無寸土潼關皆土無拳石雖皆號天下險固要之潼關不若劍門然自秦以來劍門亦屢破矣險之不可恃如此

曾子宣丞相元豐間帥慶州未至召還至陝府復還慶州往來潼關夫人魏氏作詩戲丞相曰使君自為君

恩厚不是區區愛華山

南豐曾氏享先用節羹醢鵝則粥建安陳氏享先用肝
串子猪白割血羹肉汁皆世世守之富貴不加貧賤
不廢也

蘇子由晚歲遊許昌賈文元公園作詩云前朝輔相終
難得父老咨嗟今亦無蓋謂方仁祖時士大夫多議
文元然自今觀之豈易得哉其感慨如此



老學庵筆記卷七

欽定四庫全書

子部

老學庵筆記卷八
十

詳校官中書臣徐志晉

員外郎臣牛稔文覆勘

總校官進士臣楊懋珩

校對官庶吉士臣毛鳳儀

謄錄舉人臣朱錫彤

欽定四庫全書

老學庵筆記卷八

宋 陸游 撰

國初尚文選當時文人專意此書故草必稱王孫梅必稱驛使月必稱望舒山水必稱清暉至慶厯後惡其陳腐諸作者始一洗之方其盛時士子至為之語曰文選爛秀才半建炎以來尚蘇氏文章學者翕然從之而蜀士尤盛亦有語曰蘇文熟喫羊肉蘇文生喫菜羹

學士院移文三省名咨報都司移文六曹名刺

蜀人見人物之可誇者則曰嗚呼可鄙者則曰噫嘻

張邦昌既死有旨月賜其家錢十萬於所在州勘支曾

文清為廣東漕取其券繳奏曰邦昌在古法當族誅
今貸與之生足矣乃加橫恩如此不知朝廷何以待
伏節死事之家詔自今勿與予銘文清墓載此事甚
詳及刻石其家乃削去至今以為恨

興元城固縣產礬石不可勝計與凡土石無異雖數十

百擔亦可立取然其性酷烈有大毒非置瓦罏中煨
三過不可用然猶動能害人尤非他金石之比千金
有一方用礬石輔以乾薑烏頭之類名匈奴露宿丹
其酷烈可想見也

陰平在今文州有橋曰陰平橋淳熙初為郡守者大書
立石於橋下曰鄧艾取蜀路過者笑之

建炎三年春車駕倉卒南渡駐蹕於杭有侍臣召對者
既對所陳劄子首曰恭惟陛下歲二月東巡狩至於

錢塘呂相頤浩見之笑曰秀才家識甚好惡

淳熙中黃河決入汴梁宋間謹言謂之天水來天水國姓也遺民以為國家恢復之兆

史魏公自少保六轉而至太師中間近三十年福壽康寧本朝一人而已文潞公自司空四轉蔡太師自司空三轉秦太師自少保兩轉而已

鄭康成自為書戒子益恩其末曰若忽忘不識亦已焉哉此正孟子所謂父子之間不責善也蓋不責善非

不示以善也不責其必從耳陶淵明命子詩曰夙興夜寐願爾斯才爾之不才亦已焉哉用康成語也

自唐至本朝中書門下出勅其勅字皆平正渾厚元豐後勅出尚書省亦然崇寧間蔡京臨平寺額作險勁體來長而力短省吏始效之相誇尚謂之司空勅亦曰蔡家勅蓋妖言也京敗言者數其朝京退送及公主改帝姬之類偶不及蔡家勅故至今勅字蔡體尚在

東坡海外詩云夢中時見作詩孫初不解在蜀見蘇山
藏公墨迹疊韻竹詩後題云寄作詩孫符乃知此句
為仲虎發也

紹興末謝景思守括蒼司馬李思佐之皆名伋劉季高
以書與景思曰公作守司馬九作倅想郡事皆如律
令也聞者絕倒

東坡牡丹詩云一朵妖紅翠欲流初不曉翠欲流為何
語及遊成都過木行街有大署市肆曰郭家鮮翠紅

百擔亦可立取然其性酷烈有大毒非置瓦罏中煨
三過不可用然猶動能害人尤非他金石之比千金
有一方用礬石輔以乾薑烏頭之類名匈奴露宿丹
其酷烈可想見也

陰平在今文州有橋曰陰平橋淳熙初為郡守者大書
立石於橋下曰鄧艾取蜀路過者笑之

建炎三年春車駕倉卒南渡駐蹕於杭有侍臣召對者
既對所陳劄子首曰恭惟陛下歲二月東巡狩至於

錢塘呂相頤浩見之笑曰秀才家識甚好惡

淳熙中黃河決入汴梁宋間謠言謂之天水來天水國姓也遺民以為國家恢復之兆

史魏公自少保六轉而至太師中間近三十年福壽康寧本朝一人而已文潞公自司空四轉蔡太師自司空三轉秦太師自少保兩轉而已

鄭康成自為書戒子益恩其末曰若忽忘不識亦已焉哉此正孟子所謂父子之間不責善也蓋不責善非

不示以善也不責其必從耳陶淵明命子詩曰夙興夜寐願爾斯才爾之不才亦已焉哉用康成語也

自唐至本朝中書門下出勅其勅字皆平正渾厚元豐後勅出尚書省亦然崇寧間蔡京臨平寺額作險勁體來長而力短省吏始效之相誇尚謂之司空勅亦曰蔡家勅蓋妖言也京敗言者數其朝京退送及公主改帝姬之類偶不及蔡家勅故至今勅字蔡體尚在

東坡海外詩云夢中時見作詩孫初不解在蜀見蘇山
藏公墨迹疊韻竹詩後題云寄作詩孫符乃知此句
為仲虎發也

紹興末謝景思守括蒼司馬季思佐之皆名伋劉季高
以書與景思曰公作守司馬九作倅想郡事皆如律
令也聞者絕倒

東坡牡丹詩云一朵妖紅翠欲流初不曉翠欲流為何
語及遊成都過木行街有大署市肆曰郭家鮮翠紅

紫鋪問土人乃知蜀語鮮翠猶言鮮明也東坡蓋用鄉語云蜀人又謂糊牕曰泥牕花藥夫人宮詞云紅錦泥牕遶四廊非曾遊蜀亦所不解

東坡先生省試刑賞忠厚之至論有云臯陶為士將殺
人臯陶曰殺之三堯曰宥之三梅聖俞為小試官得
之以示歐陽公公曰此出何書聖俞曰何須出處公
以為皆偶忘之然亦大稱歎初欲以為魁終以此不
果及揭榜見東坡姓名始謂聖俞曰此郎必有所據

金史卷八
更恨吾輩不能記耳及謁謝首問之東坡亦對曰何
須出處乃與聖俞語合公賞其豪邁太息不已

宋白尚書詩云風騷墜地欲成塵春鎖南宮入試頻三
百俊才衣似雪可憐無箇解詩人又云對花莫道渾
無過曾與常人舉好詩大抵宋詩雖多疵類而語意
絕有警拔者故其自負如此

白樂天詩云四十著緋軍司馬男兒官職未蹉跎一為
州司馬三見歲重陽本朝太宗時宋太素尚書自翰

苑謫鄜州行軍司馬詩云鄜州軍司馬也好畫為屏
又云官為軍司馬身是謫仙人蓋此音司字作入聲
讀

故事謫散官雖別駕司馬皆封賜如故故宋尚書在鄜
時詩云經時不巾櫛慵更佩金魚東坡先生在儋耳
亦云鶴髮驚全白犀圍尚半紅是也至司戶參軍則
奪封賜故世傳冠萊公謫雷州借錄事參軍綠袍拜
命袍短纔至膝又予少時見王性之曾夫人言曾丞

相謫廉州司戶亦借其姪綠袍拜命云

紹興十六七年李莊簡公在藤州以書寄先君有曰某人汲汲求少艾求而得之自謂得計今成一聚枯骨世尊出來也救他不得一聚枯骨出神仙傳老子篇某人者前執政留守金陵暴得疾卒故云

秦丞相晚歲權尤重常有數卒皂衣持挺立府門外行路過者稍顧視警效皆呵止之嘗病告一二日執政獨對既不敢他語惟盛推秦公勲業而已明日入堂

紫鋪問土人乃知蜀語鮮翠猶言鮮明也東坡蓋用鄉語云蜀人又謂糊牕曰泥牕花藥夫人宮詞云紅錦泥牕遶四廊非曾遊蜀亦所不解

東坡先生省試刑賞忠厚之至論有云臯陶為士將殺人臯陶曰殺之三堯曰宥之三梅聖俞為小試官得之以示歐陽公公曰此出何書聖俞曰何須出處公以為皆偶忘之然亦大稱歎初欲以為魁終以此不果及揭榜見東坡姓名始謂聖俞曰此郎必有所據

更恨吾輩不能記耳及謁謝首問之東坡亦對曰何須出處乃與聖俞語合公賞其豪邁太息不已

宋白尚書詩云風騷墜地欲成塵春鎖南宮入試頻三百俊才衣似雪可憐無箇解詩人又云對花莫道渾無過曾與常人舉好詩大抵宋詩雖多疵類而語意絕有警拔者故其自負如此

白樂天詩云四十著緋軍司馬男兒官職未蹉跎一為州司馬三見歲重陽本朝太宗時宋太素尚書自翰

苑謫鄜州行軍司馬詩云鄜州軍司馬也好畫為屏
又云官為軍司馬身是謫仙人蓋此音司字作入聲
讀

故事謫散官雖別駕司馬皆封賜如故故宋尚書在鄜
時詩云經時不巾櫛慵更佩金魚東坡先生在儋耳
亦云鶴髮驚全白犀圍尚半紅是也至司戶參軍則
奪封賜故世傳冠萊公謫雷州借錄事參軍綠袍拜
命袍短纔至膝又予少時見王性之曾夫人言曾丞

相謫廉州司戶亦借其姪綠袍拜命云

紹興十六七年李莊簡公在藤州以書寄先君有曰某人汲汲求少艾求而得之自謂得計今成一聚枯骨世尊出來也救他不得一聚枯骨出神仙傳老子篇某人者前執政留守金陵暴得疾卒故云

秦丞相晚歲權尤重常有數卒皂衣持挺立府門外行路過者稍顧視輒效皆呵止之嘗病告一二日執政獨對既不敢他語惟盛推秦公勲業而已明日入堂

忽問曰聞昨日奏事甚久執政惶恐曰某惟誦太師先生勲德曠世所無語終即退實無他言秦公嘻笑曰甚荷蓋已喉言事官上章執政甫歸閣子彈章副本已至矣其忤刻如此

韓魏公罷政以守司徒兼侍中鎮安武勝軍節度使公累章牢辭至以為恐開大臣希望僭忒之階遂改淮南節度使元豐間文潞公亦加兩鎮引魏公事辭卒亦不拜紹興中張俊韓世忠乃以捍敵有功拜兩鎮

俄又加三鎮二人皆武人不知辭當時士大夫為之語曰若加一鎮即為四鎮如朱全忠矣奈何

大駕初駐蹕臨安故都及四方士民商賈輻輳又創立官府扁榜一新好事者取以為對曰鈐轄諸道進奏院詳定一司勅令所王防禦契聖眼科陸官人遇仙風藥乾濕腳氣四斤丸偏正頭風一字散三朝御裏陳忠翊四世儒醫陸太丞東京石朝議玄壻樂駐泊藥舖西蜀費先生外甥冠保義卦肆如此凡數十聯

不能盡記

高廟謂端硯如一段紫玉瑩潤無瑕乃佳何必以眼為貴耶晁以道藏硯必取玉斗樣喜其受墨瀦多也每曰硯若無池受墨則墨亦不必磨筆亦不須點惟可作枕耳

呂吉甫問客蘇子瞻文辭似何人客揣摩其意答之曰似蘇秦張儀呂笑曰秦之文高矣儀固不能望子瞻亦不能也徐自誦其表語云面折馬光於講筵廷辯

韓琦之奏疏甚有自得之色客不敢問而退

陳師錫家享儀謂冬至前一日為冬住與歲除夜為對
蓋閩音也予讀太平廣記三百四十卷有盧頊傳云
是夕冬至除夜乃知唐人冬至前一日亦謂之除夜
詩唐風日月其除除音直慮反則所謂冬住者冬除
也蓋傳其語而失其字耳

老杜寄薛三郎中詩云上馬不用扶每扶必怒瞋東坡
送喬全詩云上山如飛瞋人扶皆言老人也蓋老人

忽問曰聞昨日奏事甚久執政惶恐曰某惟誦太師先生勲德曠世所無語終即退實無他言秦公嘻笑曰甚荷蓋已喉言事官上章執政甫歸閣子彈章副本已至矣其忤刻如此

韓魏公罷政以守司徒兼侍中鎮安武勝軍節度使公累章牢辭至以為恐開大臣希望僭忒之階遂改淮南節度使元豐間文潞公亦加兩鎮引魏公事辭卒亦不拜紹興中張俊韓世忠乃以捍敵有功拜兩鎮

俄又加三鎮二人皆武人不知辭當時士大夫為之語曰若加一鎮即為四鎮如朱全忠矣奈何

大駕初駐蹕臨安故都及四方士民商賈輻輳又創立官府扁榜一新好事者取以為對曰鈐轄諸道進奏院詳定一司勅令所王防禦契聖眼科陸官人遇仙風藥乾濕腳氣四斤丸偏正頭風一字散三朝御裏陳忠翊四世儒醫陸太丞東京石朝議女壻樂駐泊藥舖西蜀費先生外甥冠保義卦肆如此凡數十聯

不能盡記

高廟謂端硯如一段紫玉瑩潤無瑕乃佳何必以眼為貴耶晁以道藏硯必取玉斗樣喜其受墨瀦多也每曰硯若無池受墨則墨亦不必磨筆亦不須點惟可作枕耳

呂吉甫問客蘇子瞻文辭似何人客揣摩其意答之曰似蘇秦張儀呂笑曰秦之文高矣儀固不能望子瞻亦不能也徐自誦其表語云面折馬光於講筵廷辯

韓琦之奏疏甚有自得之色客不敢問而退

陳師錫家享儀謂冬至前一日為冬住與歲除夜為對
蓋閩音也予讀太平廣記三百四十卷有盧頊傳云
是夕冬至除夜乃知唐人冬至前一日亦謂之除夜
詩唐風日月其除除音直慮反則所謂冬住者冬除
也蓋傳其語而失其字耳

老杜寄薛三郎中詩云上馬不用扶每扶必怒瞋東坡
送喬全詩云上山如飛瞋人扶皆言老人也蓋老人

諱老故爾若少壯者扶與不扶皆可何瞋之有

宣和末有巨商捨三萬緡裝飾泗州普照塔煥然一新
建炎中商歸湖南至池州江中一日晨興忽見一塔
十三級浮水上南來金碧照耀而隨波傾颺若欲倒
者商舉家及舟師人人見之皆驚怖誦佛既漸近有
僧出塔下舉手揖曰元是裝塔施主船淮上方火災
大師將塔往海東行化去語未竟忽大風作塔去如
飛遂不見未幾乃聞塔廢於火舒州僧廣勤與商船

同行親見之

段成式西陽雜俎言揚州東市塔影忽倒老人言海影翻則如此沈存中以為大抵塔有影必倒予在福州見萬壽塔成都在見正法塔蜀州見天目塔皆有影亦皆倒也然塔之高如是而影止三二尺纖悉皆具或自天窓中下或在廊廡間亦未易以理推也

唐彦猷硯錄言青州紅絲石硯覆之以匣數日墨色不乾經夜即其氣上下蒸濡著於匣中有如雨露又云

紅絲硯必用銀作匣凡石硯若置銀匣中即未乾之
墨氣蒸上騰其墨乃著蓋上久之蓋上之墨復滴硯
中亦不必經夜也銅錫皆然而銀尤甚雖漆匣亦時
有之但少耳彥猷貴重紅絲硯以銀為匣見其蒸潤
而未嘗試他硯也

賀方回狀貌奇醜色青黑而有英氣俗謂之賀鬼頭喜
校書朱黃未嘗去手詩文皆高不獨工長短句也潘
邠老贈方回詩云詩束牛腰藏舊橐書託馬尾辦新

讐有二子曰房曰廩於文房從方廩從回蓋寓父字於二子名也

翟耆年字伯壽父公巽參政之子也能清言工篆及八分巾服一如唐人自名唐裝一日往見許顥彦周彦周鑿髻著犢鼻褌躡高屐出迎伯壽愕然彦周徐曰吾晉裝也公何怪

元祐七年哲廟納后用五月十六日法駕出宣德門行親迎之禮初道家以五月十六日為天地合日夫婦

諱老故爾若少壯者扶與不扶皆可何瞋之有

宣和末有巨商捨三萬緡裝飾泗州普照塔煥然一新
建炎中商歸湖南至池州江中一日晨興忽見一塔
十三級浮水上南來金碧照耀而隨波傾颺若欲倒
者商舉家及舟師人人見之皆驚怖誦佛既漸近有
僧出塔下舉手揖曰元是裝塔施主船淮上方火災
大師將塔往海東行化去語未竟忽大風作塔去如
飛遂不見未幾乃聞塔廢於火舒州僧廣勤與商船

同行親見之

段成式酉陽雜俎言揚州東市塔影忽倒老人言海影翻則如此沈存中以為大抵塔有影必倒予在福州見萬壽塔成都見正法塔蜀州見天目塔皆有影亦皆倒也然塔之高如是而影止三二尺纖悉皆具或自天窓中下或在廊廡間亦未易以理推也

唐彥猷硯錄言青州紅絲石硯覆之以匣數日墨色不乾經夜即其氣上下蒸濡著於匣中有如雨露又云

紅絲硯必用銀作匣凡石硯若置銀匣中即未乾之
墨氣蒸上騰其墨乃著蓋上久之蓋上之墨復滴硯
中亦不必經夜也銅錫皆然而銀尤甚雖漆匣亦時
有之但少耳彥猷貴重紅絲硯以銀為匣見其蒸潤
而未嘗試他硯也

賀方回狀貌奇醜色青黑而有英氣俗謂之賀鬼頭喜
校書朱黃未嘗去手詩文皆高不獨工長短句也潘
邠老贈方回詩云詩束牛腰藏舊橐書託馬尾辨新

讐有二子曰房曰康於文房從方康從回蓋寓父字於二子名也

翟耆年字伯壽父公巽參政之子也能清言工篆及八分巾服一如唐人自名唐裝一日往見許顥彦周彦周鑿髻髻著犢鼻褌躡高屐出迎伯壽愕然彦周徐曰吾晉裝也公何怪

元祐七年哲廟納后用五月十六日法駕出宣德門行親迎之禮初道家以五月十六日為天地合日夫婦

當異寢違犯者必夭死故世以為忌當時太史選定
乃謂人主與后猶天地也故特用此日將降詔矣皇
太妃持以為不可上亦疑之宣仁獨以為此語俗忌
耳非典禮所載遂用之其後詔獄既興宦者復謂若
廢后可弭此禍上意益不可回矣

政和以後斜封墨勅盛行乃有以寺監長官視待制者
大抵皆以非道得之晁叔用以謂視待制可對如夫
人蓋為清議貶黜如此又往往以特恩賜金帶朝路

混清然猶以舊制不敢坐絨故當時謂橫金無絨韜
與閣門舍人等耳

聶山胡直孺同為都司一日過堂從容為蔡京言道流
之橫京慨然曰君等不知耳淫侈之風日熾姑以齋
醺少間之不暇計此曹也京之善文過如此

蔡京賜第宏敞過甚老疾畏寒幕帟不能禦遂至無設
牀處惟撲水少低間架亦狹乃即撲水下作臥室

秦熈作狀元時蔡京親吏高棟猶在謂人曰看他秦太

師吾主人乃天下至繆漢也棟當蔡氏盛時官至拱衛大夫領青州觀察使靖康臺評所謂廝養官為橫行是也有王俞者與之同列官亦相等靖康間俞停廢棟猶以武功大夫為浙東副總管遂終其身不復褫削議者亦置之或自有由也

沈存中辯雞舌香為丁香疊疊數百言竟是以意度之惟元魏賈思勰作齊民要術第五卷有合香澤法用雞舌香此最的確可引之證而存中反不及之以此

知博洽之難也

顏延年作靖節徵士誄云徽音遠矣誰箴予闕王荊公
用此意作別孫少述詩予今去此來何時後有不可
誰予規青出於藍者也

先君讀山谷乞猫詩歎其妙晁以道侍讀在坐指聞道
猫奴將數子一句問曰此句何謂也先君曰老杜云
暫止啼烏將數子恐是其類以道笑曰君果誤矣乞
猫詩數字當音色主反數子謂猫狗之屬多非一子

當異寢違犯者必夭死故世以為忌當時太史選定
乃謂人主與后猶天地也故特用此日將降詔矣皇
太妃持以為不可上亦疑之宣仁獨以為此語俗忌
耳非典禮所載遂用之其後詔獄既興宦者復謂若
廢后可弭此禍上意益不可回矣

政和以後斜封墨勅盛行乃有以寺監長官視待制者
大抵皆以非道得之晁叔用以謂視待制可對如夫
人蓋為清議貶黜如此又往往以特恩賜金帶朝路

混淆然猶以舊制不敢坐絨故當時謂橫金無絨韜
與閣門舍人等耳

聶山胡直孺同為都司一日過堂從容為蔡京言道流
之橫京慨然曰君等不知耳淫侈之風日熾姑以齋
醮少間之不暇計此曹也京之善文過如此

蔡京賜第宏敞過甚老疾畏寒幕帟不能禦遂至無設
牀處惟撲水少低間架亦狹乃即撲水下作臥室

秦熈作狀元時蔡京親吏高棟猶在謂人曰看他秦太

師吾主人乃天下至繆漢也棟當蔡氏盛時官至拱衛大夫領青州觀察使靖康臺評所謂廝養官為橫行是也有王俞者與之同列官亦相等靖康間俞停廢棟猶以武功大夫為浙東副總管遂終其身不復褫削議者亦置之或自有由也

沈存中辯雞舌香為丁香疊疊數百言竟是以意度之惟元魏賈思勰作齊民要術第五卷有合香澤法用雞舌香此最的確可引之證而存中反不及之以此

知博洽之難也

顏延年作靖節徵士誄云徵音遠矣誰箴予闕王荊公
用此意作別孫少述詩予今去此來何時後有不可
誰予規青出於藍者也

先君讀山谷乞猫詩歎其妙晁以道侍讀在坐指聞道
猫奴將數子一句問曰此句何謂也先君曰老杜云
暫止啼烏將數子恐是其類以道笑曰君果誤矣乞
猫詩數字當音色主反數子謂猫狗之屬多非一子

故人家生畜必數之曰生幾子將數子猶言將生子也與杜詩語同而意異以道必有所據先君言當時偶不之叩以為恨

翟公巽參政靖康初召為翰林學士過泗州謁僧伽像見鬚忽涌出長寸許問他人皆不見怪之一僧在旁曰公雖召還恐不久復出公扣之曰鬚出者須出也果驗

唐人詩中有曰無題者率杯酒狎邪之語以其不可指

言故謂之無題非真無題也近歲呂居仁陳去非亦有曰無題者乃與唐人不類或真無其題或有所避其實失於不深考耳

翟公巽參政守會稽日命工塑真武像既成熟視曰不似不似即日毀之別塑今告成觀西廡小殿立像是也道士賀仲清在旁親見之而不敢問

古所謂揖但舉手而已今所謂喏乃始於江左諸王方其時惟王氏子弟為之故支道林入東見王子猷兄

弟還人問諸王何如答曰見一羣白項烏但聞啞啞聲即今喏也

荆公詩云閉戶欲推愁愁終不肯去劉賓客詩云與老無期約到來如等閒舍人子蒼取作一聯云推愁不去還相覓與老無期稍見侵比古句蓋益工矣

四月十九日成都謂之浣花遨頭宴於杜子美草堂滄浪亭傾城皆出錦繡夾道自開歲宴遊至是而止故最盛於他時予客蜀數年屢赴此席未嘗不晴蜀人

云雖戴白之老未嘗見浣花日雨也

明州護聖長老法揚藏其祖鄭舍人向所得仁廟東宮
日回賀歲旦書稱皇太子某狀用太子左春坊之印
舍人是時猶為館職也

湯岐公初秉政偶刑寺奏牘有云生人婦者高廟問此
有法否秦益公云法中有夫婦人與無夫者不同上
素喜岐公顧問曰古亦有之否岐公曰古法有無臣
所不能記然生人婦之語蓋出三國志杜畿傳上大

故人家生畜必數之曰生幾子將數子猶言將生子也與杜詩語同而意異以道必有所據先君言當時偶不之叩以為恨

翟公巽參政靖康初召為翰林學士過泗州謁僧伽像見鬚忽涌出長寸許問他人皆不見怪之一僧在旁曰公雖召還恐不久復出公扣之曰鬚出者須出也果驗

唐人詩中有曰無題者率杯酒狎邪之語以其不可指

言故謂之無題非真無題也近歲呂居仁陳去非亦有曰無題者乃與唐人不類或真無其題或有所避其實失於不深考耳

翟公巽參政守會稽日命工塑真武像既成熟視曰不似不似即日毀之別塑今告成觀西廡小殿立像是也道士賀仲清在旁親見之而不敢問

古所謂揖但舉手而已今所謂喏乃始於江左諸王方其時惟王氏子弟為之故支道林入東見王子猷兄

弟還人問諸王何如答曰見一羣白項烏但聞啞啞聲即今喏也

荊公詩云閉戶欲推愁愁終不肯去劉賓客詩云與老無期約到來如等閒舍人子蒼取作一聯云推愁不去還相覓與老無期稍見侵比古句蓋益工矣

四月十九日成都謂之浣花遨頭宴於杜子美草堂滄浪亭傾城皆出錦繡夾道自開歲宴遊至是而止故最盛於他時予客蜀數年屢赴此席未嘗不晴蜀人

云雖戴白之老未嘗見浣花日雨也

明州護聖長老法揚藏其祖鄭舍人向所得仁廟東宮
日回賀歲旦書稱皇太子某狀用太子左春坊之印
舍人是時猶為館職也

湯岐公初秉政偶刑寺奏牘有云生人婦者高廟問此
有法否秦益公云法中有夫婦人與無夫者不同上
素喜岐公顧問曰古亦有之否岐公曰古法有無臣
所不能記然生人婦之語蓋出三國志杜畿傳上大

驚乃笑曰卿可謂博記矣益公陰忌獨謂岐公純篤
不忌也

北方民家吉凶輒有相禮者謂之白席多鄙俚可笑韓
魏公自樞密歸鄴赴一姻家禮席偶取盤中一荔枝
欲啗之白席者遽唱言曰資政喫荔枝請衆客同喫
荔枝魏公憎其喋喋因置不復取白席者又曰資政
惡發也請衆客放下荔枝魏公為一笑惡發猶云怒
也

唐自相輔以下皆謂之京官言官於京師也其常參者曰常參官未常參者曰未常參官國初以常參官預朝謁故謂之升朝官而未預者曰京官元豐官制行以通直郎以上朝預宴坐仍謂之升朝官而按唐制去京官之名凡條制及吏牘止謂之承務郎以上然俗猶謂之京官

唐所謂丞郎謂左右丞六曹侍郎也尚書雖序左右丞上然亦通謂之丞郎猶今言侍從官也俗又謂之兩

制指內制而言然非翰苑西掖亦曰兩制正如丞郎之稱契丹僭號有高坐官亦侍從之比坐字本犯御嫌名或謂丞郎為左右丞中書門下侍郎亦非也

唐高祖實錄武德二年正月甲子下詔曰釋典微妙淨業始於慈悲道教冲虛至德去其殘暴況乎四時之禁毋伐麋卵三驅之禮不取順從蓋欲敦崇仁惠蕃衍庶物立政經邦咸率斯道朕祇膺靈命撫遂羣生言念亭育無忘鑒昧殷帝去網庶踵前修齊王捨牛

實符本志自今每年正月五月九月十直日並不得
行刑所在公私宜斷屠殺此三長月斷屠殺之始也
唐士大夫如白居易輩蓋有遇此三齋月杜門謝客
專延緇流作佛事者今法至此月亦減去食羊錢蓋
其遺制

老學庵筆記卷八

欽定四庫全書

老學庵筆記卷九

宋 陸游 撰

蜀父老言王小皞之亂自言我土鍋村民也豈能霸一方有李順者孟大王之遺孤初蜀亡有晨興過摩訶池上者見錦箱錦衾覆一襁褓嬰兒有片紙在其中書曰國中義士為我養之人知其出於宮中因收養焉順是也故蜀人惑而從之未幾小皞戰死衆推順

為主下令復姓孟及王師薄城城且破矣順忽飯城中僧數千人以祈福又度其童子亦數千人皆就府治削髮衣僧衣晡後分東西兩門出出盡順亦不知所在蓋自髡而遜矣明日王師入城捕得一髯士狀頗類順遂誅之而實非也有帶御器械張舜卿者因奏事密言臣聞順已逃去所獻首蓋非也太宗以為害諸將之功叱出將斬之已而貸之亦坐免官及真廟天禧初順竟獲於嶺南初欲誅之於市且令百官賀呂文靖為知雜御

史以為不可但即獄中殺之人始知舜卿所奏非妄也
蜀人又謂順逃至荆渚入一僧寺有僧熟視曰汝有異
相當為百日偏霸之主何自在此汝宜急去今年不死
尚有數十年壽亦可怪也又云方順之作有術士拆順
名曰是一百八日有西川耳安能久也如期而敗

太宗太平興國四年平太原降為并州廢舊城徙州於
榆次今太原則又非榆次乃三交域也城在舊城西
北三百里亦形勝之地本名故軍又嘗為唐明鎮有

晉文公廟甚盛平太原後三年帥潘美奏乞以為并
州從之於是徙晉文公廟以廟之故址為州治又徙
陽曲縣於三交而榆次復為縣國史所載頗畧方承
平時太原為大鎮其興廢人人能知之故史亦不備
書今陷沒幾七十年遂有不可詳者矣

唐小說載有人路逢奔馬入都者問何急如此其人答
曰應不求聞達科本朝天聖中初置賢良方正等六
科許少卿監以上奏舉自應者亦聽俄又置高蹈丘

園科亦許自於所在投狀求試時以為笑予少時為福州寧德縣主簿提刑樊茂實以職狀舉予曰有聲於時不求聞達後數月再見之忽問曰何不來取奏狀予笑答之曰恐不稱舉詞故不敢茂實亦笑顧書吏促發奏然予竟不投也

成都士大夫家法嚴席帽行范氏自先世貧而未仕則賣白龍丸一日得官止不復賣城北郭氏賣豉亦然皆不肯為市井商賈或舉貨營利之事又士人家子

弟無貧富皆著蘆心布衣紅勒帛狹如一指大稍異此則共嘲笑以為非士流也

周禮蠲氏注云蠲今御所食鼈也漢書霍光傳亦有丞相擅減宗廟羔鴈鼈此何等物而漢人以供玉食及宗廟之薦耶古今事不同如此

真宗御集有苑中賞花詩十首內一首龍柏花李文饒平泉山居草木記有藍田之龍柏宋子京又有真珠龍柏詩劉子儀晁以道朱希真亦皆有此作子長於

江南未嘗見也或云本出鄱坊間

舒煥堯文東坡公客建炎中猶在有子為湖南一縣尉
遇盜燒死堯文年九十矣憂悸得病而卒

陳無已子豐詩亦可喜晁以道集中有謝陳十二郎詩
卷是也建炎中以無已故特命官李鄴守會稽來從
鄴作攝局鄴降金豐亦被繫累而去無已之後遂無
在江左者豐亦不知存亡可哀也

劉道原壯輿載世藏書甚富壯輿死無後書錄於南康

軍官庫後數年胡少汲過南康訪之已散落無餘矣
行在百官以祠事致齋於僧寺多相與徧遊寺中因遊
傍近園館或齋於道宮亦然按張文昌僧寺宿齋詩
云晚到金光門外寺寺中新竹隔簾多齋官禁與僧
相見院院開門不得過乃知唐齋禁之嚴如此今律
所云作祀事悉禁是也

韓子蒼詩喜用擁字如車騎擁西疇船擁清溪尚一樽
之類出於唐詩人錢起城隅擁歸騎也

園科亦許自於所在投狀求試時以為笑予少時為福州寧德縣主簿提刑樊茂實以職狀舉予曰有聲於時不求聞達後數月再見之忽問曰何不來取奏狀予笑答之曰恐不稱舉詞故不敢茂實亦笑顧書吏促發奏然予竟不投也

成都士大夫家法嚴席帽行范氏自先世貧而未仕則賣白龍丸一日得官止不復賣城北郭氏賣豉亦然皆不肯為市井商賈或舉貨營利之事又士人家子

弟無貧富皆著蘆心布衣紅勒帛狹如一指大稍異此則共嘲笑以為非士流也

周禮蠲氏注云蠲今御所食鼃也漢書霍光傳亦有丞相擅減宗廟羔鴈鼃此何等物而漢人以供玉食及宗廟之薦耶古今事不同如此

真宗御集有苑中賞花詩十首內一首龍柏花李文饒平泉山居草木記有藍田之龍柏宋子京又有真珠龍柏詩劉子儀晁以道朱希真亦皆有此作子長於

江南未嘗見也或云本出鄱坊間

舒煥堯文東坡公客建炎中猶在有子為湖南一縣尉
遇盜燒死堯文年九十矣憂悸得病而卒

陳無已子豐詩亦可喜晁以道集中有謝陳十二郎詩
卷是也建炎中以無已故特命官李鄴守會稽來從
鄴作攝局鄴降金豐亦被繫累而去無已之後遂無
在江左者豐亦不知存亡可哀也

劉道原壯輿載世藏書甚富壯輿死無後書錄於南康

軍官庫後數年胡少汲過南康訪之已散落無餘矣
行在百官以祠事致齋於僧寺多相與徧遊寺中因遊
傍近園館或齋於道宮亦然按張文昌僧寺宿齋詩
云晚到金光門外寺寺中新竹隔簾多齋官禁與僧
相見院院開門不得過乃知唐齋禁之嚴如此今律
所云作祀事悉禁是也

韓子蒼詩喜用擁字如車騎擁西疇船擁清溪尚一樽
之類出於唐詩人錢起城隅擁歸騎也

政和神霄玉清萬壽宮初止改天寧萬壽觀為之後別
改宮觀一所不用天寧若州城無宮觀即改僧寺俄
又不用宮觀止改僧寺初通撥賜產千畝已而豪奪
無涯西京以崇德院為宮據其產二萬一千畝賃舍
錢園利錢又在其外三泉縣以不隸州特置已而凡
縣皆改一僧寺為神霄下院駸駸日張至宣和末方
已

天下神霄皆賜威儀設於殿帳座外面南東壁從東第

一架六物曰錦繖曰絳節曰寶蓋曰珠幢曰五明扇
曰旌從東第二架六物曰絲拂曰旛曰鶴扇二曰金
鉞曰如意西壁從東第一架六物曰如意曰玉斧曰
鶴扇二曰旛曰絲拂西壁從東第二架曰旌曰五明
扇曰珠幢曰寶蓋曰絳節曰錦繖東南經兵火往往
不復在蜀中多徙於天慶觀聖祖殿今猶有存者

神霄以長生大帝君青華帝君為主其次曰蓬萊靈海
帝君西元大帝君東井大帝君西華大帝君清都大

帝君中黃大帝君又有左右仙伯東西臺吏二十有二人繪於壁又有韓君丈人祀於側殿曰此神霄帝君之尚賓也其說皆出於林靈素張虛白劉煉

天禧中以王捷所作金寶牌賜天下至宣和末又以方士劉知常所鍊金輪頒之天下神霄宮名曰神霄寶輪知常言其法以汞鍊之成金可鎮分野兵饑之災時宣和七年秋也遣使押賜天下太常方下奉安寶輪儀制而敵騎已渡河矣

本朝康保裔真廟時為高陽關都部署契丹之來戰死
祖志忠後唐明宗時討王都戰死父再遇太祖時為
將討李筠戰死三世皆死國事

天聖初宋元憲公在場屋日夢魁天下故事四方舉人
集京師當入見而宋公姓名偶為衆人之首禮部奏
舉人宋郊等公大惡之以為夢徵止此矣然其後卒
為大魁紹興初張子韶亦夢魁天下比省試類榜坐
位圖出其第一人則張九成也公殊怏怏及廷試唱

政和神霄玉清萬壽宮初止改天寧萬壽觀為之後別
改宮觀一所不用天寧若州城無宮觀即改僧寺俄
又不用宮觀止改僧寺初通撥賜產千畝已而豪奪
無涯西京以崇德院為宮據其產二萬一千畝賃舍
錢園利錢又在其外三泉縣以不隸州特置已而凡
縣皆改一僧寺為神霄下院駸駸日張至宣和末方
已

天下神霄皆賜威儀設於殿帳座外面南東壁從東第

一架六物曰錦繖曰絳節曰寶蓋曰珠幢曰五明扇
曰旌從東第二架六物曰絲拂曰幡曰鶴扇二曰金
鉞曰如意西壁從東第一架六物曰如意曰玉斧曰
鶴扇二曰幡曰絲拂西壁從東第二架曰旌曰五明
扇曰珠幢曰寶蓋曰絳節曰錦繖東南經兵火往往
不復在蜀中多徙於天慶觀聖祖殿今猶有存者

神霄以長生大帝君青華帝君為主其次曰蓬萊靈海
帝君西元大帝君東井大帝君西華大帝君清都大

帝君中黃大帝君又有左右仙伯東西臺吏二十有二人繪於壁又有韓君丈人祀於側殿曰此神霄帝君之尚賓也其說皆出於林靈素張虛白劉煉

天禧中以王捷所作金寶牌賜天下至宣和末又以方士劉知常所鍊金輪頒之天下神霄宮名曰神霄寶輪知常言其法以汞鍊之成金可鎮分野兵饑之災時宣和七年秋也遣使押賜天下太常方下奉安寶輪儀制而敵騎已渡河矣

本朝康保裔真廟時為高陽關都部署契丹之來戰死
祖志忠後唐明宗時討王都戰死父再遇太祖時為
將討李筠戰死三世皆死國事

天聖初宋元憲公在場屋日夢魁天下故事四方舉人
集京師當入見而宋公姓名偶為衆人之首禮部奏
舉人宋郊等公大惡之以為夢徵止此矣然其後卒
為大魁紹興初張子韶亦夢魁天下比省試類榜坐
位圖出其第一人則張九成也公殊怏怏及廷試唱

名亦冠多士與元憲事正同

王冀公自金陵召還不降詔止於茶藥合中賜御飛白
王欽若三字而中使口傳密旨冀公即上道至國門
輔臣以下皆未知政和中蔡太師在錢塘一日中使
賜茶藥亦於合中得大玉環徑七寸色如截肪京拜
賜即治行後二日詔至即日起發二事畧相似然非
二人者必無此事也

孫策傳張津常著絳帕頭帕頭者巾幘之類猶今言幘

頭也韓文公云以紅帕首已為失之東坡云絳帕蒙頭讀道書增一蒙字其誤尤甚

貴臣有疾宣醫及物故勅葬本以為恩然中使挾御醫至凡藥必服其家不敢問蓋有為醫所誤者勅葬則喪家所費至傾竭貲貨其地又未必善也故都下諺曰宣醫納命勅葬破家慶厯中始有詔已降指揮勅葬而其家不願者聽之西人云姚麟勅葬乃絕地故其家遂衰

范文正公喜彈琴然平日止彈履霜一操時人謂之范履霜

韓子蒼和錢遜叔詩云叩門忽送銅山句知是賦詩人
姓錢蓋唐詩人錢起賦詩以姓為韻有銅山許鑄錢
之句

撫州紫府觀真武殿像設有六丁六甲神而六丁皆為
女子像黃次山書殿榜曰感通之殿感通乃醴泉觀
舊名至和二年十一月賜名而像設亦醴泉舊制也

東坡先生在中山作戚氏樂府詞最得意慕容李端叔
跋三百四十餘字叙述甚備欲刻石傳後為定武盛
事會謫去不果今乃不載集中至有立論排詆以為非
公作者識真之難如此哉

予在成都偶以事至犀浦過松林甚茂問馭卒此何處
答曰師塔也蓋謂僧所葬之塔於是乃悟杜詩黃師
塔前江水東之句

南朝詞人謂文為筆故沈約傳云謝玄暉善為詩任彦

名亦冠多士與元憲事正同

王冀公自金陵召還不降詔止於茶藥合中賜御飛白
王欽若三字而中使口傳密旨冀公即上道至國門
輔臣以下皆未知政和中蔡太師在錢塘一日中使
賜茶藥亦於合中得大玉環徑七寸色如截肪京拜
賜即治行後二日詔至即日起發二事畧相似然非
二人者必無此事也

孫策傳張津常著絳帕頭帕頭者巾幘之類猶今言幘

頭也韓文公云以紅帕首已為失之東坡云絳帕蒙頭讀道書增一蒙字其誤尤甚

貴臣有疾宣醫及物故勅葬本以為恩然中使挾御醫至凡藥必服其家不敢問蓋有為醫所誤者勅葬則喪家所費至傾竭貲貨其地又未必善也故都下諺曰宣醫納命勅葬破家慶歷中始有詔已降指揮勅葬而其家不願者聽之西人云姚麟勅葬乃絕地故其家遂衰

范文正公喜彈琴然平日止彈履霜一操時人謂之范履霜

韓子蒼和錢遜叔詩云叩門忽送銅山句知是賦詩人
姓錢蓋唐詩人錢起賦詩以姓為韻有銅山許鑄錢
之句

撫州紫府觀真武殿像設有六丁六甲神而六丁皆為
女子像黃次山書殿榜曰感通之殿感通乃醴泉觀
舊名至和二年十一月賜名而像設亦醴泉舊制也

東坡先生在中山作戚氏樂府詞最得意慕容李端叔
跋三百四十餘字叙述甚備欲刻石傳後為定武盛
事會謫去不果今乃不載集中至有立論排詆以為非
公作者識真之難如此哉

予在成都偶以事至犀浦過松林甚茂問馭卒此何處
答曰師塔也蓋謂僧所葬之塔於是乃悟杜詩黃師
塔前江水東之句

南朝詞人謂文為筆故沈約傳云謝玄暉善為詩任彦

昇工於筆約兼而有之又庾肩吾傳梁簡文與湘東
王書論文章之弊曰詩既若此筆又如之又曰謝朓
沈約之詩任昉陸倕之筆任昉傳又有沈詩任筆之
語老杜寄賈至嚴武詩云賈筆論孤憤嚴詩賦幾篇
杜牧之亦云杜詩韓筆愁來讀似倩麻姑癢處抓亦
襲南朝語爾往時諸晁謂詩為詩筆亦非也

東蒙蓋終南山峯名杜詩云故人昔隱東蒙峯已佩含
景蒼精龍故人今居子午谷獨在陰崖結茅屋皆長

安也种明逸東蒙新居詩亦云登遍終南峯東蒙最
孤秀南士不知故註杜詩者妄引顓臾為東蒙主以
為魯地

紹興初程氏之學始盛言者排之至譏其幅巾大袖胡
康侯力辨其不然曰伊川衣冠未嘗與人異也然張
文潛元祐初贈趙景平主簿詩曰明道新墳草已春
遺風猶得見門人定知魯國衣冠異盡戴林宗折角
巾則是自元祐初為程學者幅巾已與人異矣衣冠

近古正儒者事譏者固非辨者亦未然也

晁氏世居都下昭德坊其家以元祐黨人及元符上書
籍記不許入國門者數人以道其一也嘗於鄭洛道
中遇降羌作詩云沙場尺箠致羌渾玉陛俱承雨露
恩自笑百年家鳳闕一生腸斷國西門方是時士大
夫失職如此安得不兆亂乎

鄭介夫喜作詩多至數千篇謫英州遇赦得歸有句云
未言路上舟車費尚欠城中酒藥錢絕似王元之也

元祐初蘇子由為戶部侍郎建言都水監本三司之河渠案將作監本三司之修造案軍器監本三司之甲冑案三司今戶部也而三監乃屬工部請三監皆兼隸戶部凡有所為戶部定其事之可否裁其費之多寡而工部任其工之良楮程其作之遲速朝廷從其言為立法及紹聖中以為害元豐官制罷之建中靖國中或欲復從元祐已施行矣時豐相之為工部尚書獨持不可曰設如都水監塞河軍器監造軍器而

昇工於筆約兼而有之又庾肩吾傳梁簡文與湘東
王書論文章之弊曰詩既若此筆又如之又曰謝朓
沈約之詩任昉陸倕之筆任昉傳又有沈詩任筆之
語老杜寄賈至嚴武詩云賈筆論孤憤嚴詩賦幾篇
杜牧之亦云杜詩韓筆愁來讀似倩麻姑癢處抓亦
襲南朝語爾往時諸晁謂詩為詩筆亦非也

東蒙蓋終南山峯名杜詩云故人昔隱東蒙峯已佩含
景蒼精龍故人今居子午谷獨在陰崖結茅屋皆長

安也种明逸東蒙新居詩亦云登遍終南峯東蒙最
孤秀南士不知故註杜詩者妄引顓臾為東蒙主以
為魯地

紹興初程氏之學始盛言者排之至譏其幅巾大袖胡
康侯力辨其不然曰伊川衣冠未嘗與人異也然張
文潛元祐初贈趙景平主簿詩曰明道新墳草已春
遺風猶得見門人定知魯國衣冠異盡戴林宗折角
巾則是自元祐初為程學者幅巾已與人異矣衣冠

近古正儒者事譏者固非辨者亦未然也

晁氏世居都下昭德坊其家以元祐黨人及元符上書
籍記不許入國門者數人以道其一也嘗於鄭洛道
中遇降羌作詩云沙場尺箠致羌渾玉陛俱承雨露
恩自笑百年家鳳闕一生腸斷國西門方是時士大
夫失職如此安得不兆亂乎

鄭介夫喜作詩多至數千篇謫英州遇赦得歸有句云
未言路上舟車費尚欠城中酒藥錢絕似王元之也

元祐初蘇子由為戶部侍郎建言都水監本三司之河渠案將作監本三司之修造案軍器監本三司之甲冑案三司今戶部也而三監乃屬工部請三監皆兼隸戶部凡有所為戶部定其事之可否裁其費之多寡而工部任其工之良楮程其作之遲速朝廷從其言為立法及紹聖中以為害元豐官制罷之建中靖國中或欲復從元祐已施行矣時豐相之為工部尚書獨持不可曰設如都水監塞河軍器監造軍器而

戶部以為不可則已矣若以為可則併任其事可也
今戶部吝其費裁損之乃令工部任河之決塞器之
利鈍為工部者不亦難乎議遂寢相之本主元祐政
事者然其言公正不阿如此可謂賢矣

徽宗嘗乘輕舟泛曲江有宮嬪持寶扇乞書者上攬筆
亟作草書一聯云渚蓮參法駕沙鳥犯鈎陳俄復取
筆塗去犯鈎陳三字曰此非佳語此聯實李商隱東
宮詩亦不祥也李耕道云

東坡在黃州時作西捷詩曰漢家將軍一丈佛詔賜天
閑八尺龍露布朝馳玉關塞捷烽夜到甘泉宮似聞
指麾築上郡已覺談笑無西戎放臣不見天顏喜但
覺草木皆春容一丈佛者王中正也以此詩為非東
坡作耶氣格如此孰能辦之以為果東坡作耶此老
豈譽王中正者蓋刺之也以三百篇言之君子偕老
是矣

紹興末予見陳魯公留飯未食而楊郡王存中來白事

魯公留子便坐而見之存中方不為朝論所與子年少意亦輕之趨幕後聽其言會魯公與之言及邊事存中曰士大夫多謂當列兵淮北為守淮計即可守因圖進取中原萬一不能支即守大江未晚此說非也士惟氣全乃能堅守若俟其敗北則士氣已喪非特不可守淮亦不能守江矣今據大江之險以老彼師則有可勝之理若我師克捷士氣已倍彼奔潰不暇然後徐進而北則中原有可取之理然曲折尚多

兵豈易言哉予不覺太息曰老將要有所長然退以語朝士多不解也

東坡在嶺海間最喜讀陶淵明柳子厚二集謂之南遷二友予讀宋白尚書玉津雜詩有云坐卧將何物陶詩與柳文則前人蓋有與公暗合者矣

凌霄花未有不依木而能生者惟西京富鄭公園中一株挺然獨立高四丈圍三尺餘花大如杯旁無所附宣和初景華苑成移植於芳林殿前畫圖進御

戶部以為不可則已矣若以為可則併任其事可也
今戶部吝其費裁損之乃令工部任河之決塞器之
利鈍為工部者不亦難乎議遂寢相之本主元祐政
事者然其言公正不阿如此可謂賢矣

徽宗嘗乘輕舟泛曲江有宮嬪持寶扇乞書者上攬筆
亟作草書一聯云渚蓮參法駕沙鳥犯鈎陳俄復取
筆塗去犯鈎陳三字曰此非佳語此聯實李商隱東
宮詩亦不祥也李耕道云

東坡在黃州時作西捷詩曰漢家將軍一丈佛詔賜天
閑八尺龍露布朝馳玉關塞捷烽夜到甘泉宮似聞
指麾築上郡已覺談笑無西戎放臣不見天顏喜但
覺草木皆春容一丈佛者王中正也以此詩為非東
坡作耶氣格如此孰能辦之以為果東坡作耶此老
豈譽王中正者蓋刺之也以三百篇言之君子偕老
是矣

紹興末予見陳魯公留飯未食而楊郡王存中來白事

魯公留子便坐而見之存中方不為朝論所與子年少意亦輕之趨幕後聽其言會魯公與之言及邊事存中曰士大夫多謂當列兵淮北為守淮計即可守因圖進取中原萬一不能支即守大江未晚此說非也士惟氣全乃能堅守若俟其敗北則士氣已喪非特不可守淮亦不能守江矣今據大江之險以老彼師則有可勝之理若我師克捷士氣已倍彼奔潰不暇然後徐進而北則中原有可取之理然曲折尚多

兵豈易言哉予不覺太息曰老將要有所長然退以語朝士多不解也

東坡在嶺海間最喜讀陶淵明柳子厚二集謂之南遷二友予讀宋白尚書玉津雜詩有云坐卧將何物陶詩與柳文則前人蓋有與公暗合者矣

凌霄花未有不依木而能生者惟西京富鄭公園中一株挺然獨立高四丈圍三尺餘花大如杯旁無所附宣和初景華苑成移植於芳林殿前畫圖進御

政和宣和間妖言至多織文及纈帛有遍地桃冠有並
桃香有佩香曲有褰兒而道流為公卿受錄議者謂
桃者逃也佩香者背鄉也褰者塞也錄者戮也蔡京
書神霄玉清萬壽宮及玉皇殿之類玉字旁一點筆
勢險急有道士觀之曰此點乃金筆而鋒鋞侵王豈
吾教之福哉侍晨李德柔勝之親聞其言嘗以語先
君云

近世士大夫多不練故事或為之語曰上若問學校法

制當對曰有劉士祥在問典禮因革當對曰有齊聞
詔在士祥聞詔蓋國子監太常寺老吏也史院吏有
竊議史官者曰史官筆削有定本箇箇一樣或問何
也曰將吏人編出日曆中臣僚上言字塗去上字其
後奉聖旨依字亦塗去而從旁注從之二字即一日
筆削了矣

政和後道士有賜玉方符者其次則金方符長七寸闊
四寸面為符背鑄御書曰賜某人奉以行教有違天

律罪不汝貸結於當心每齋醮則服之會稽天寧萬壽觀有老道士盧浩真者嘗被金符之賜予少時親見之

世傳唐呂府君勅葬碑呂名惠恭僧大濟之父大濟代宗時內道場僧也官至殿中監故惠恭贈官為兗州刺史而官為營葬宣和中會稽天寧觀道士張若水官為藥珠殿校籍贈其父為朝奉大夫母封宜人嘗見其母賜誥云嘉其教子之勤寵以宜家之號詩人

林子來亦有贈道官萬大夫焚黃詩然二人者品秩猶未高若林靈素以侍晨恩數視執政則贈官必及三代矣大抵當時道流濫恩不可勝載中更喪亂史皆不得書此偶因事見之耳

北都有魏博節度使田緒遺愛碑張弘靖書何進滔德政碑柳公權書皆石刻之傑也政和中梁左丞子美為尹皆毀之以其石刻新頒五禮新儀

近世名士李泰發

光

一字泰定晁以道

說之

一字伯以

政和宣和間妖言至多織文及纈帛有遍地桃冠有並
桃香有佩香曲有賽兒而道流為公卿受錄議者謂
桃者逃也佩香者背鄉也賽者塞也錄者戮也蔡京
書神霄玉清萬壽宮及玉皇殿之類玉字旁一點筆
勢險急有道士觀之曰此點乃金筆而鋒鋞侵玉豈
吾教之福哉侍晨李德柔勝之親聞其言嘗以語先
君云

近世士大夫多不練故事或為之語曰上若問學校法

制當對曰有劉士祥在問典禮因革當對曰有齊聞
詔在士祥聞詔蓋國子監太常寺老吏也史院吏有
竊議史官者曰史官筆削有定本箇箇一樣或問何
也曰將吏人編出日曆中臣僚上言字塗去上字其
後奉聖旨依字亦塗去而從旁注從之二字即一日
筆削了矣

政和後道士有賜玉方符者其次則金方符長七寸闊
四寸面為符背鑄御書曰賜某人奉以行教有違天

律罪不汝貸結於當心每齋醮則服之會稽天寧萬壽觀有老道士盧浩真者嘗被金符之賜予少時親見之

世傳唐呂府君勅葬碑呂名惠恭僧大濟之父大濟代宗時內道場僧也官至殿中監故惠恭贈官為兗州刺史而官為營葬宣和中會稽天寧觀道士張若水官為藥珠殿校籍贈其父為朝奉大夫母封宜人嘗見其母賜誥云嘉其教子之勤寵以宜家之號詩人

林子來亦有贈道官萬大夫焚黃詩然二人者品秩
猶未高若林靈素以侍晨恩數視執政則贈官必及
三代矣大抵當時道流濫恩不可勝載中更喪亂史
皆不得書此偶因事見之耳

北都有魏博節度使田緒遺愛碑張弘靖書何進滔德
政碑柳公權書皆石刻之傑也政和中梁左丞子美
為尹皆毀之以其石刻新頒五禮新儀

近世名士李泰發

光

一字泰定晁以道

說之

一字伯以

潘義榮

良貴

一字子賤張全真

守

一字子固周子充

必大一字洪道芮國器

煜

一字仲蒙林黃中

栗

一字

寬夫朱元晦

熹

一字仲晦人稱之多以舊字其作文

題名之類必從後字後世殆以疑矣

王荊公熙寧初召還翰苑初侍經筵之日講禮記曾參

易簣一節曰聖人以義制禮其詳見於牀第之間君

子以仁行禮其勤至於垂死之際姑息者且止之辭

也天下之害未有不由於且止者也此說不見於文

字予得之於從伯父彥遠

老學庵筆記卷九

欽定四庫全書

老學庵筆記卷十

宋 陸游 撰

世多言白樂天用相字多從俗語作思必切如為問長
安月如何不相離是也然北人大抵以相字作入聲
至今猶然不獨樂天老杜云恰似春風相欺得夜來
吹折數枝花亦從入聲讀乃不失律俗謂南人入京
師效北語過相藍輒讀其膀曰大廝國寺傳以為笑

中貴楊戩於堂後作一大池環以廊廡局鑄周密每浴時設浴具及澡豆之屬於池上乃盡屏人躍入池中游泳率移時而出人莫得窺然但謂其性喜浴於池耳一日戩獨寢堂中有盜入其室忽見牀上乃一蝦蟆大可一牀兩目如金光彩射人盜為之驚仆而蝦蟆已復變為人乃戩也起坐握劍問曰汝為何人盜以實對戩擲一銀香毬與之曰念汝迫貧以此賜汝切勿為人言所見也盜不敢受拜而出後以他事繫開封獄自道如此

廟諱同音署字常恕反樹字殊遇反然皆諱避則以為一字也北史杜弼傳齊神武相魏時相府法曹辛子炎諮事云取署字子炎讀署為樹神武怒其犯諱杖之則署與樹音不同當時雖武人亦知之而今學士大夫乃不能辨方嘉祐治平之間朝士如宋次道蘇子容輩皆精於小學亦不以為言何也

東坡素知李廌方叔方叔赴省試東坡知舉得一卷子大喜手批數十字且語黃魯直曰是必吾李廌也及

拆號則章持致平而薦乃見黜故東坡山谷皆有詩
在集中初薦試罷歸語人曰蘇公知舉吾之文必不
在三名後及被黜薦有乳母年七十大哭曰吾兒遇
蘇內翰知舉不及第他日尚奚望遂閉門睡至夕不
出發壁視之自縊死矣薦果終身不第以死亦可哀
也

楊文公云豈期遊岱之魂遂協生桑之夢世以其年四
十八故稱其用生桑之夢為切當不知遊岱之魂出

河東記韋齊休事亦全句也

閩中有習左道者謂之明教亦有明教經甚多刻板摹印妄取道藏中校定官名銜贊其後燒必乳香食必紅蕚故二物皆翔貴至有士人宗子輩衆中自言今日赴明教齋予嘗詰之此魔也奈何與之遊則對曰不然男女無別者為魔男女不親授者為明教明教遇婦人所作食則不食然嘗得所謂明教經觀之誕謾無可取直俚俗習妖妄者所為耳又或指名族士

大夫家曰此亦明教也不知信否偶讀徐常侍稽神錄云有善魔法者名曰明教則明教亦久矣

芰菱也今人謂卷荷為伎荷伎立也卷荷出水面亭亭植立故謂之伎荷或作芰非是白樂天池上早秋詩云荷芰綠參差新秋水滿池乃是言荷及菱二物耳蔡太師作相時衣青道衣謂之太師青出入乘輿頂轎子謂之太師轎子秦太師作相時裏頭巾當面偶作一摺謂之太師錯摺樣第中牕上下及中一二眼作

廟諱同音署字常恕反樹字殊遇反然皆諱避則以為一字也北史杜弼傳齊神武相魏時相府法曹辛子炎諮事云取署字子炎讀署為樹神武怒其犯諱杖之則署與樹音不同當時雖武人亦知之而今學士大夫乃不能辨方嘉祐治平之間朝士如宋次道蘇子容輩皆精於小學亦不以為言何也

東坡素知李廌方叔方叔赴省試東坡知舉得一卷子大喜手批數十字且語黃魯直曰是必吾李廌也及

拆號則章持致平而薦乃見黜故東坡山谷皆有詩
在集中初薦試罷歸語人曰蘇公知舉吾之文必不
在三名後及被黜薦有乳母年七十大哭曰吾兒遇
蘇內翰知舉不及第他日尚奚望遂閉門睡至夕不
出發壁視之自縊死矣薦果終身不第以死亦可哀
也

楊文公云豈期遊岱之魂遂協生桑之夢世以其年四
十八故稱其用生桑之夢為切當不知遊岱之魂出

河東記韋齊休事亦全句也

閩中有習左道者謂之明教亦有明教經甚多刻板摹印妄取道藏中校定官名銜贊其後燒必乳香食必紅蕚故二物皆翔貴至有士人宗子輩衆中自言今日赴明教齋予嘗詰之此魔也奈何與之遊則對曰不然男女無別者為魔男女不親授者為明教明教遇婦人所作食則不食然嘗得所謂明教經觀之誕謾無可取直俚俗習妖妄者所為耳又或指名族士

大夫家曰此亦明教也不知信否偶讀徐常侍稽神錄云有善魔法者名曰明教則明教亦久矣

芰菱也今人謂卷荷為伎荷伎立也卷荷出水面亭亭植立故謂之伎荷或作芰非是白樂天池上早秋詩云荷芰綠參差新秋水滿池乃是言荷及菱二物耳蔡太師作相時衣青道衣謂之太師青出入乘輿頂轎子謂之太師轎子蔡太師作相時裏頭巾當面偶作一摺謂之太師錯摺樣第中牕上下及中一二眼作

方眼餘作疎櫺謂之太師窓

張魏公有重望建炎以來置左右相多矣而天下獨目
魏公為張右相丞相帶都督亦數人而天下獨目魏
公為張都督雖異域亦然然魏公隆興中再入亦止
於右相領都督乃知有定數也

東坡絕句云梨花澹白柳深青柳絮飛時花滿城惆悵
東闌一株雪人生看得幾清明紹興中予在福州見
何晉之大著自言嘗從張文潛遊每見文潛哦此詩

以為不可及余按杜牧之有句云砌下梨花一堆雪
明年誰此凭闌干東坡固非竊牧之詩者然竟是前
人已道之句何文潛愛之深也豈別有所謂乎聊記
之以俟識者

今人謂後三日為外後日意其俗語耳偶讀唐逸史裴
老傳乃有此語裴大厯中人也則此語亦久矣

嚴州建德縣有崇勝院藏天聖五年內降劄子設道場
云皇太后賜銀三十兩皇太妃施錢二十貫皇后施

錢十貫朱淑儀施錢五貫有仁廟飛白御書今皆存
蓋院有僧嘗際遇真廟召見賜衣及香燭故也猶可
想見祖宗恭儉之盛予在郡初不聞迫代歸始知之
不及刻石至今為恨

徐敦立侍郎頗好謔紹興末嘗為予言柳子厚非國語
之作正由平日法國語為文章看得熟故多見其疵
病此俗所謂沒前程者也予曰東坡公在嶺外特喜
子厚文朝夕不去手與陶淵明並稱二友及北歸與

錢濟明書乃痛詆子厚時令斷刑四維貞符諸篇至
以為小人無忌憚者豈亦由朝夕紬繹耶恐是非國
語之報敦立為之抵掌絕倒

蔡攸初以淮康節領相印徽宗賜曲宴因語之曰相公
公相子蓋是時京為太師號公相攸即對曰人主主
人翁其善為諧給如此

白樂天云微月初三夜新蟬第一聲晏元憲云綠樹新
蟬第一聲王荊公云去年今日青松路憶似聞蟬第

方眼餘作疎櫺謂之太師窓

張魏公有重望建炎以來置左右相多矣而天下獨目
魏公為張右相丞相帶都督亦數人而天下獨目魏
公為張都督雖異域亦然然魏公隆興中再入亦止
於右相領都督乃知有定數也

東坡絕句云梨花澹白柳深青柳絮飛時花滿城惆悵
東闌一株雪人生看得幾清明紹興中予在福州見
何晉之大著自言嘗從張文潛遊每見文潛哦此詩

以為不可及余按杜牧之有句云砌下梨花一堆雪
明年誰此凭闌干東坡固非竊牧之詩者然竟是前
人已道之句何文潛愛之深也豈別有所謂乎聊記
之以俟識者

今人謂後三日為外後日意其俗語耳偶讀唐逸史裴
老傳乃有此語裴大厯中人也則此語亦久矣

嚴州建德縣有崇勝院藏天聖五年內降劄子設道場
云皇太后賜銀三十兩皇太妃施錢二十貫皇后施

錢十貫朱淑儀施錢五貫有仁廟飛白御書今皆存
蓋院有僧嘗際遇真廟召見賜衣及香燭故也猶可
想見祖宗恭儉之盛予在郡初不聞迫代歸始知之
不及刻石至今為恨

徐敦立侍郎頗好謔紹興末嘗為予言柳子厚非國語
之作正由平日法國語為文章看得熟故多見其疵
病此俗所謂沒前程者也予曰東坡公在嶺外特喜
子厚文朝夕不去手與陶淵明並稱二友及北歸與

錢濟明書乃痛詆子厚時令斷刑四維貞符諸篇至以為小人無忌憚者豈亦由朝夕紬繹耶恐是非國語之報敦立為之抵掌絕倒

蔡攸初以淮康節領相印徽宗賜曲宴因語之曰相公公相子蓋是時京為太師號公相攸即對曰人主主人翁其善為諧給如此

白樂天云微月初三夜新蟬第一聲晏元憲云綠樹新蟬第一聲王荊公云去年今日青松路憶似聞蟬第

一聲三用而愈工信詩之無窮也

蘇子容詩云起草才多封卷速把麻人衆引聲長蘇子
由詩云明日白麻傳好語曼聲微繞殿中央蓋昔時
宣制皆曼延其聲如歌詠之狀張天覺自小鳳拜右
揆有旨下閣門令平讀遂為故事

蔡元長當國時士大夫問輒革往往畫一人戴草而祭
輒指之曰此蔡字也必由其門而進及童貫用事又
有畫地上奏樂者曰土上有音童字也其言亦往往

有驗及二人者廢則亦無復占得此卦紹興中秦會之專國柄又多畫三人各持禾一束則又指之曰秦字也其言亦頗驗及秦氏既廢亦無復占得此卦矣若以為妄則紹興中如黑象輩畜書數百冊對人檢之予親見其有三人持禾者在其間亦未易測也

祖宗時有知樞密院及同知簽署之類治平後避諱改曰簽書政和以後宦者用事輒改內侍省都知曰知內侍省事都知曰同知內侍省事押班曰簽書內侍

省事蓋僭視密院也建炎中始復舊近有道士之行
天心法者自結銜曰知天樞院事亦有稱同知簽書
者又可一笑也

考工記弓人注云臚亦黏也音職今婦人髮有時為膏
澤所黏必沐乃解者謂之臚正當用此字

司馬侍郎朴陷敵後妾生一子於燕名之曰通國實取
蘇武胡婦所生子之名名之而國史不書其家亦諱
之

太祖開國雖追尊僖祖以下四廟然惟宣祖昭憲皇后
為大忌忌前一日不坐則太祖初不以僖祖為始祖
可知真宗初罷宣祖大忌祥符中下詔復之然未嘗
議及僖祖則真宗亦不以僖祖為始祖可知今乃獨
尊僖祖使宋有天下二百四十餘年太祖尚不正東
向之位恐禮官不當久置不議也

興國中靈州貢馬足各有二距其後靈州陷於西戎宣
和中燕山府貢馬亦然而金人之禍遂作

一聲三用而愈工信詩之無窮也

蘇子容詩云起草才多封卷速把麻人衆引聲長蘇子
由詩云明日白麻傳好語曼聲微繞殿中央蓋昔時
宣制皆曼延其聲如歌詠之狀張天覺自小鳳拜右
揆有旨下閣門令平讀遂為故事

蔡元長當國時士大夫問輒輦往往畫一人戴草而祭
輒指之曰此蔡字也必由其門而進及童貫用事又
有畫地上奏樂者曰土上有音童字也其言亦往往

有驗及二人者廢則亦無復占得此卦紹興中秦會之專國柄又多畫三人各持禾一束則又指之曰秦字也其言亦頗驗及秦氏既廢亦無復占得此卦矣若以為妄則紹興中如黑象輩畜書數百冊對人檢之予親見其有三人持禾者在其間亦未易測也

祖宗時有知樞密院及同知簽署之類治平後避諱改曰簽書政和以後宦者用事輒改內侍省都知曰知內侍省事都知曰同知內侍省事押班曰簽書內侍

省事蓋僭視密院也建炎中始復舊近有道士之行
天心法者自結銜曰知天樞院事亦有稱同知簽書
者又可一笑也

考工記弓人注云膾亦黏也音職今婦人髮有時為膏
澤所黏必沐乃解者謂之膾正當用此字

司馬侍郎朴陷敵後妾生一子於燕名之曰通國實取
蘇武胡婦所生子之名名之而國史不書其家亦諱
之

太祖開國雖追尊僖祖以下四廟然惟宣祖昭憲皇后
為大忌忌前一日不坐則太祖初不以僖祖為始祖
可知真宗初罷宣祖大忌祥符中下詔復之然未嘗
議及僖祖則真宗亦不以僖祖為始祖可知今乃獨
尊僖祖使宋有天下二百四十餘年太祖尚不正東
向之位恐禮官不當久置不議也

興國中靈州貢馬足各有二距其後靈州陷於西戎宣
和中燕山府貢馬亦然而金人之禍遂作

周越書苑云郭忠恕以為小篆散而八分生八分破而隸書出隸書悖而行書作行書狂而草書聖以此知隸書乃今真書趙明誠謂誤以八分為隸自歐陽公始

太宗時史官張洎等撰太祖史凡太宗聖諭及史官采撫之事分為朱墨書以別之此國史有朱墨本之始也元祐紹聖皆嘗修神宗實錄紹聖所修既成焚元祐舊本有敢私藏者皆立重法久之內侍梁師成家

乃有朱墨本以墨書元祐所修朱書紹聖所修稍稍傳於士大夫家紹興初趙相鼎提舉再撰又或以雌黃書之目為黃本然世罕傳

先太傅慶厯中賜紫章服赴閣門拜賜乃塗金魚袋也豈官品有等差歟

史丞相言高廟嘗臨蘭亭賜壽皇於建邸後有批字云可依此臨五百本來看蓋兩宮之篤學如此世傳智永寫千文八百本於此可信矣

晉人避其君名猶不避嫌名康帝名岳鄧岳改名嶽
唐初不避二名太宗時猶有民部李世勣虞世南皆不
避也至高宗即位始改為戶部世南已卒世勣去世
字惟名勣或者尚如古卒哭乃諱歟

唐王建牡丹詩云可憐零落藥收取作香燒雖工而格
卑東坡用其意云未忍汚泥沙牛酥煎落藥超然不
同矣

張繼楓橋夜泊詩云姑蘇城外寒山寺夜半鐘聲到客

船歐陽公嘲之云句則佳矣其如夜半不是打鐘時
後人又謂惟蘇州有半夜鐘皆非也按于鄴褒中即
事詩云遠鐘來半夜明月入千家皇甫冉秋夜宿會
稽嚴維宅詩云秋深臨水月夜半隔山鐘此豈亦蘇
州詩耶恐唐時僧寺自有夜半鐘也京都街鼓今尚
廢後生讀唐詩文及街鼓者往往茫然不能知況僧
寺夜半鐘乎

宋文安公自禁庭謫廊時詩云九月一日奉急宣連忙

周越書苑云郭忠恕以為小篆散而八分生八分破而隸書出隸書悖而行書作行書狂而草書聖以此知隸書乃今真書趙明誠謂誤以八分為隸自歐陽公始

太宗時史官張洎等撰太祖史凡太宗聖諭及史官采撫之事分為朱墨書以別之此國史有朱墨本之始也元祐紹聖皆嘗修神宗實錄紹聖所修既成焚元祐舊本有敢私藏者皆立重法久之內侍梁師成家

乃有朱墨本以墨書元祐所修朱書紹聖所修稍稍傳於士大夫家紹興初趙相鼎提舉再撰又或以雌黃書之目為黃本然世罕傳

先太傅慶厯中賜紫章服赴閣門拜賜乃塗金魚袋也豈官品有等差歟

史丞相言高廟嘗臨蘭亭賜壽皇於建邸後有批字云可依此臨五百本來看蓋兩宮之篤學如此世傳智永寫千文八百本於此可信矣

晉人避其君名猶不避嫌名康帝名岳鄧岳改名嶽
唐初不避二名太宗時猶有民部李世勣虞世南皆不
避也至高宗即位始改為戶部世南已卒世勣去世
字惟名勣或者尚如古卒哭乃諱歟

唐王建牡丹詩云可憐零落藥收取作香燒雖工而格
卑東坡用其意云未忍汚泥沙牛酥煎落藥超然不
同矣

張繼楓橋夜泊詩云姑蘇城外寒山寺夜半鐘聲到客

船歐陽公嘲之云句則佳矣其如夜半不是打鐘時
後人又謂惟蘇州有半夜鐘皆非也按于鄴褒中即
事詩云遠鐘來半夜明月入千家皇甫冉秋夜宿會
稽嚴維宅詩云秋深臨水月夜半隔山鐘此豈亦蘇
州詩耶恐唐時僧寺自有夜半鐘也京都街鼓今尚
廢後生讀唐詩文及街鼓者往往茫然不能知況僧
寺夜半鐘乎

宋文安公自禁庭謫鄜時詩云九月一日奉急宣連忙

趨至閤門前忽為典午知何罪謫向鄜州更憮然蓋當時謫黜者召至閤門受命乃行也

宋文安公集中有省油燈盞詩今漢嘉有之盞夾燈盞也一端作小竅注清冷水於其中每夕一易之尋常盞為火所灼而燥故速乾此獨不然其省油幾半邵公濟牧漢嘉時數以遺中朝士大夫按文安亦嘗為玉津令則漢嘉出此物幾三百年矣

祥符中有布衣林虎上書真廟曰此人姓林名虎必尚

怪者也罷遣之宣和中有林虎者賜對徽宗亦異之
賜名於虎上加竹然字書初無此字乃自稱塤簾之
簾而書名不敢增但作簾云

吳中卑薄斷地二三尺輒見水予頃在南鄭見一軍校
火山軍人也言火山之南地尤枯瘠鋤耨所及烈焰
應手涌出故以火山名軍尤為異也

楚語曰若武丁之神明也其聖之睿廣也其治之不疚
也猶自為未艾荆公嘗摘取睿廣二字入表語中蔡

京為翰林學士議神宗謚因力主睿廣二字而忘其
出楚語也范彞叟折之曰此楚語所載先帝言必稱
堯舜今乃捨六經而以楚語為尊號可乎京遂屈韓
丞相師朴亦云睿廣但可作僧法名耳時亦以為名
言

今人謂貝州為甘陵吉州為廬陵常州為毘陵峽州為
夷陵皆自其地名也惟嚴州有嚴光釣瀨名嚴陵瀨
嚴陵乃其姓字瀨是釣處若謂之嚴瀨尚可今俗乃

謂之嚴陵殊可笑也

唐質肅公參禪得法於浮山遠禪師嘗作贈僧詩云今日是重陽勞師訪野堂相逢又無語籬下菊花黃

今人謂娶婦為索婦古語也孫權欲為子索關某女袁術欲為子索呂布女皆見三國志

元豐間有俞充者諂事中官王中正中正每極口稱之一日充死中正輒侍神廟言充非獨吏事過人遠甚參禪亦超然悟解今談笑而終畧無疾恙上亦稱歎

趨至閤門前忽為典午知何罪謫向鄜州更憮然蓋當時謫黜者召至閤門受命乃行也

宋文安公集中有省油燈盞詩今漢嘉有之盞夾燈盞也一端作小竅注清冷水於其中每夕一易之尋常盞為火所灼而燥故速乾此獨不然其省油幾半邵公濟牧漢嘉時數以遺中朝士大夫按文安亦嘗為玉津令則漢嘉出此物幾三百年矣

祥符中有布衣林虎上書真廟曰此人姓林名虎必尚

怪者也罷遣之宣和中有林虎者賜對徽宗亦異之
賜名於虎上加竹然字書初無此字乃自稱塤箎之
箎而書名不敢增但作箎云

吳中卑薄斷地二三尺輒見水予頃在南鄭見一軍校
火山軍人也言火山之南地尤枯瘠鋤耬所及烈焰
應手涌出故以火山名軍尤為異也

楚語曰若武丁之神明也其聖之睿廣也其治之不疚
也猶自為未艾荆公嘗摘取睿廣二字入表語中蔡

京為翰林學士議神宗謚因力主睿廣二字而忘其
出楚語也范彞叟折之曰此楚語所載先帝言必稱
堯舜今乃捨六經而以楚語為尊號可乎京遂屈韓
丞相師朴亦云睿廣但可作僧法名耳時亦以為名
言

今人謂貝州為甘陵吉州為廬陵常州為毘陵峽州為
夷陵皆自其地名也惟嚴州有嚴光釣瀨名嚴陵瀨
嚴陵乃其姓字瀨是釣處若謂之嚴瀨尚可今俗乃

謂之嚴陵殊可笑也

唐質肅公參禪得法於浮山遠禪師嘗作贈僧詩云今日是重陽勞師訪野堂相逢又無語籬下菊花黃

今人謂娶婦為索婦古語也孫權欲為子索關某女袁術欲為子索呂布女皆見三國志

元豐間有俞充者諂事中官王中正中正每極口稱之一日充死中正輒侍神廟言充非獨吏事過人遠甚參禪亦超然悟解今談笑而終畧無疾恙上亦稱歎

以語中官李舜舉舜舉素敢言對曰以臣觀之止是
粹死耳人重其直

古所謂路寢猶今言正廳也故諸侯將薨必遷於路寢
不死於婦人之手非惟不瀆亦以絕婦寺矯命之禍
也近世乃謂死於堂奧為終於正寢誤矣前輩墓誌
之類數有之皆非也黃魯直詩云公虛采蘋宮行樂
在小寢按魯僖公薨於小寢杜預謂小寢夫人寢也
魯直亦習於近世謂堂為正寢故以小寢為妾媵所

居耳不然既云虛米蘋宮又云在小寢何耶

王黼作相其子閔孚作待制造朝財十四歲都人目為

糊獮待制

晉人所謂見何次道令人欲傾家釀猶云欲傾竭家貲以釀酒飲之也故魯直云欲傾家以繼酌韓文公借以作簞詩云有賣直欲傾家貲王平父謝先大父贈簞詩亦云傾家何計效韓公皆得晉人本意至朱行中舍人有句云相逢盡欲傾家釀久客誰能散橐金

用家釀對橐金非也

錢勰字穆范祖禹字淳皆一字交友以其難呼故增父字非其本也

錢穆父風姿甚美有九子都下九子母祠作一巾紵美丈夫坐於西偏俗以為九子母之夫故都下謂穆父為九子母夫東坡贈詩云九子羨君門戶壯蓋戲之也

保壽禪師作臨濟塔銘云師受黃蘗印可尋抵河北鎮

州城東臨潯沱河側小院住持名臨濟其後墨君和太尉於城中捨宅為寺亦以臨濟為名

墨君和名見唐書及五代

史其事甚詳近見呂元直丞相燕魏錄載真定安業坊臨濟院乃昭憲杜太后故宅按保壽與臨濟乃師弟子不應有誤豈所謂臨濟院者又嘗遷徙耶

謝任伯參政在西掖草蔡太師謫散官制大為士大夫所稱其數京之罪曰列聖詒謀之憲度掃蕩無餘一時異議之忠賢耘鋤畧盡其語出於張文潛論唐明

以語中官李舜舉舜舉素敢言對曰以臣觀之止是
粹死耳人重其直

古所謂路寢猶今言正廳也故諸侯將薨必遷於路寢
不死於婦人之手非惟不瀆亦以絕婦寺矯命之禍
也近世乃謂死於堂奧為終於正寢誤矣前輩墓誌
之類數有之皆非也黃魯直詩云公虛采蘋宮行樂
在小寢按魯僖公薨於小寢杜預謂小寢夫人寢也
魯直亦習於近世謂堂為正寢故以小寢為妾媵所

居耳不然既云虛米蘋宮又云在小寢何耶

王黼作相其子閔孚作待制造朝財十四歲都人目為
糊獠待制

晉人所謂見何次道令人欲傾家釀猶云欲傾竭家貲
以釀酒飲之也故魯直云欲傾家以繼酌韓文公借
以作簞詩云有賣直欲傾家貲王平父謝先大父贈
簞詩亦云傾家何計效韓公皆得晉人本意至朱行
中舍人有句云相逢盡欲傾家釀久客誰能散橐金

用家釀對橐金非也

錢勰字穆范祖禹字淳皆一字交友以其難呼故增父字非其本也

錢穆父風姿甚美有九子都下九子母祠作一巾紵美丈夫坐於西偏俗以為九子母之夫故都下謂穆父為九子母夫東坡贈詩云九子羨君門戶壯蓋戲之也

保壽禪師作臨濟塔銘云師受黃蘗印可尋抵河北鎮

州城東臨滹沱河側小院住持名臨濟其後墨君和

太尉於城中捨宅為寺亦以臨濟為名

墨君和名見唐書及五代

史其事甚詳近見呂元直丞相燕魏錄載真定安業

坊臨濟院乃昭憲杜太后故宅按保壽與臨濟乃師

弟子不應有誤豈所謂臨濟院者又嘗遷徙耶

謝任伯參政在西掖草蔡太師謫散官制大為士大夫

所稱其數京之罪曰列聖詒謀之憲度掃蕩無餘一

時異議之忠賢耘鋤畧盡其語出於張文潛論唐明

皇曰太宗之法度廢革畧盡貞觀之風俗變壞無餘也

呂進伯考古圖云古彈棋局狀如香爐蓋謂其中隆起也李義山詩云玉作彈棋局中心亦不平今人多不能解以進伯之說觀之則粗可見然恨其藝之不傳也魏文帝善彈棋不復用指第以手巾角拂之有客自謂絕藝及召見但低首以葛巾角拂之文帝不能及也此說今尤不可解矣大明龍興寺佛殿有魏

宮玉石彈棋局上有黃初中刻字政和中取入禁中
昭德諸晁謂壻為借倩之倩云近世方訛為倩盼之倩
予幼小不能叩所出至今悔之

紹聖元符之間有馬從一者監南京排岸司適漕使至
隨衆迎謁漕一見怒甚即叱之曰聞汝不職正欲按
汝何以不亟去尚敢來見我耶從一皇恐自陳湖湘
人迎親竊祿求哀不已漕察其語南音也乃稍霽威
云湖南亦有司馬氏乎從一答曰某姓馬監排岸司

耳漕乃微笑曰然則勉力職事可也初蓋誤認為溫公族人故欲害之自是從一刺謁但稱監南京排岸而已傳者皆以為笑

蔡太師父準葬臨平山山為駝形術家謂駝負重則行故作塔於駝峯而其墓以錢塘江為水越之秦望山為案可謂雄矣然富貴既極一旦喪敗幾於覆族至今不能振俗師之不可信如此

該聞錄言皮日休陷黃巢為翰林學士巢敗被誅今唐

書取其事按尹師魯作大理寺丞皮子良墓誌稱曾
祖日休避廣明之難徙籍會稽依錢氏官太常博士
贈禮部尚書祖光業為吳越丞相父粦為元帥府判
官三世皆以文雄江東據此則日休未嘗陷賊為其
翰林學士被誅也光業見吳越備史頗詳孫仲容在
仁廟時仕亦通顯乃知小說謬妄無所不有師魯文
章傳世且剛直有守非欺後世者可信不疑也故予
表而出之為襲美雪謗於泉下

皇曰太宗之法度廢革畧盡貞觀之風俗變壞無餘也

呂進伯考古圖云古彈棋局狀如香爐蓋謂其中隆起也李義山詩云玉作彈棋局中心亦不平今人多不能解以進伯之說觀之則粗可見然恨其藝之不能傳也魏文帝善彈棋不復用指第以手巾角拂之有客自謂絕藝及召見但低首以葛巾角拂之文帝不能及也此說今尤不可解矣大明龍興寺佛殿有魏

宮玉石彈棋局上有黃初中刻字政和中取入禁中
昭德諸晁謂壻為借倩之倩云近世方訛為倩盼之倩
予幼小不能叩所出至今悔之

紹聖元符之間有馬從一者監南京排岸司適漕使至
隨衆迎謁漕一見怒甚即叱之曰聞汝不職正欲按
汝何以不亟去尚敢來見我耶從一惶恐自陳湖湘
人迎親竊祿求哀不已漕察其語南音也乃稍霽威
云湖南亦有司馬氏乎從一答曰某姓馬監排岸司

耳漕乃微笑曰然則勉力職事可也初蓋誤認為溫公族人故欲害之自是從一刺謁但稱監南京排岸而已傳者皆以為笑

蔡太師父準葬臨平山山為駝形術家謂駝負重則行故作塔於駝峯而其墓以錢塘江為水越之秦望山為案可謂雄矣然富貴既極一旦喪敗幾於覆族至今不能振俗師之不可信如此

該聞錄言皮日休陷黃巢為翰林學士巢敗被誅今唐


書取其事按尹師魯作大理寺丞皮子良墓誌稱曾祖日休避廣明之難徙籍會稽依錢氏官太常博士贈禮部尚書祖光業為吳越丞相父繁為元帥府判官三世皆以文雄江東據此則日休未嘗陷賊為其翰林學士被誅也光業見吳越備史頗詳孫仲容在仁廟時仕亦通顯乃知小說謬妄無所不有師魯文章傳世且剛直有守非欺後世者可信不疑也故予表而出之為襲美雪謗於泉下

鄒忠公夢徽廟賜以筆作詩記之未幾疾不起說者謂
筆與畢同音蓋杜牧夢改名畢之類

唐小說載李紆侍郎罵負販者云頭錢價奴兵頭錢猶
言一錢也故都俗語云千錢精神頭錢賣亦此意云
楊朴處士詩云數箇胡皴徹骨乾一壺村酒膠牙酸南
楚新聞亦云一櫟檀根數十皴盤中猶自有紅鱗不
知皴何物疑是餅餌之屬

白樂天寄裴晉公詩云聞說風情筋力在只如初破蔡

州時王禹玉送文太師詩云精神如破貝州時用白
語而加工信乎善用事也



老學庵筆記卷十